

U MWALAFYÁLE UMPĪKÍGWE



. . . panongwa ya lwĩmíko lwa Ntwa ukutwāligwa pa uswe ukwisila mu kubōmbela kwa Lisyu. Kangi ikyene kyo. . .

² Undungu ugu gukindile ugu, une nāli mu luko lwa kuya itolo panandi pāsi pa kayīlo ka kabalilo. Komma katikai ukuyoba pāsi pa kayīlo ka kabalilo; ukwene kwāli kugela une nāfimbilisigwaga ukwendelamo, ingelo isyamumbili. Kangi ikyo kyo iki umwe mwāpilíke, ukuti une nāli nkipatala. Ikyene kyāli nongwa yakuti une nābukile kula ukuti une ndingafimbilisigwaga ukwisa nukubuka ukuliania i kisoko. Ugwe kwega ikyamunda ikyapamwanyapo, kangi ikyamunda ikyapāsīpo. Kangi abene bikufimbilisigwa uku, amaminiti manini galigosa, abene bikufimbilisigwa ukugomokela nukwega x-ray kangi. Lōli uswe tubagisenie ukwendelamo isyene, akabalilo kāko uswe tukubuka ukukilania inyanja ku misyoni, imyesi mihano-na-gumo giligyosa. Nkundwe Roberts na bala, une ngwinogona, bikwega isyabo imyesi mihano-na-gumo giligyosa. Loli une ngabombamo na gumogwene mu fyinja fina.

³ Ulutamio, une itolo ngagagana amafuta ga nyemba gala, ikyo kyo kindu kyene. Kangi abēne bikuti kikayapo nakimo ikingi abēne babagīle ukupa mbuyo bwāke, polelo une, o, une nābinile akabalilo kāko abene bālimbéle une ikindu kila. Umwe mumenye, une mbabūlīle umwe, mu kapango ka būmi bwāngu, mūmo ikindu kikumbela une nje mbine fiyo. Kangi—kangi une itolo nkibengile ikindu kila. Kangi une nāyobīle ku mwinangu gwipyana, linga. . . “Ngimba kikayapo ikindukimo ikingi?”

Kangi umwene alinkuti, “Une ndikwinogona lulo mma, Nkundwe Branham.”

⁴ O, akabalilo kāko u nkīkulu yula ikwingila pala ni, kyaboneka ngati, lumo une ngongelelako, lōli, kyaboneka ngati kikopo. Ikyene—ikyene kyāli. . . Une ngaketamo siku ubwingi fiyo. Kangi une itolo ngukola imbulo yangu nukukahula. Loli une kubumalikisyo nāmīlīle ikyene.

⁵ Lōli lilino, mu kugela kosa, kangi gosa ga agene bākindilīle, une ngulonda ukupālisya u Ntwa panongwa ya lugelo ulupelelesye. Une mfyukile, mia kwa mia; mbagīle ukubūka kulikosa nkīsu kypāsi kuno une ngulonda ukubūka. Une nālindalusisye u nganga, uyu āli batatu ba bamang’anyi bakinda-bosa, uyu, une—une ngusakikisya, mu Louisville. Kangi une nābalālusīsye abēne, une ndinkuti, “Ngimba une ndi mwapanandi kalongo mwa bamia ubulemale?”

⁶ Balinkuti, “Ugwe kakayapo nakamokene akapatu ka bulemale.” Balinkuti—balinkuti, “Ugwe uli mbukafu ubupelelesye, mu njila yiliyosa.” Kangi une ngupalisya fiyo

kwa Kyāla. Ngimba ywani uyungi ikyene kyābagile ukufumako lōli kwa Tāta gwītu Gwakumwanya, muketile, ukuya injila yila?

⁷ Kangi umwene alinkuti, “Ifyako. . . Mosa mububopelo mukunāngisya, nkati mula, ugwe kuyaga nkeke.” Umwene alinkuti, “Utumbakasya twa lilopa lyāko tukanda nukukonyoka, pamo kalikosa.” Umwene alinkuti, “Ugwe uli mu bupime bununu fiyo, Nkundwe Branham.”

Kangi une ndinkuti, “Mulimosa, une nhobwike fiyo.”

⁸ Kangi une nāli nu lusāko ulwa kuyoba, ukubikila ubuketi kwa nāsi aligwesa nkipatala kila, kangi unganga aligwesa, ku Kitangalala kya Kyāla. Kangi yumoywene yo dokotala, une ngwinogona umwene abagile ukuya apa ulubunju ulu. Kangi une—une. . . Une nhobwike ukumanya ukuti bakāli baliko abanyāmbāla abanunu nkīsu iki, abanyāmbāla banaloliloli, abanyāmbāla aba bābāgile ukunyega une ku masiku mahano, ukukinda u kupima kwa mumbili, iki lumo āngāli lumo kikubopela ku madola bamia babili pamo batatu kuli kimokyene. Bo une mmalile, abēne balinkuti, “Ikyene kyo kusangula kwītu ku mbombo ya Ntwa, iyi ugwe kubomba.” Muketile? Ena. Nakamo naka. . . Balinkuti, “Fiki, ugwe kutukosya isoni uswe, nukukulālusya uswe linga ugwe uli nikyākumelelīgwa na uswe.” Balinkuti, “Itolo inyīpūto syāko kuli uswe!”

⁹ “Kangi nkati,” abene balinkuyoba, “uswe tukwaga kindukimo kyakitima iki uswe tukutōlīgwa ukupilikisya.” Kangi une ndinkuti. . . “Uswe. . . Ikyene—ikyene kitikuboneka ukuya. . .” Umwene alinkuti, “Pabwa panja, ugwe ukaya gwalutende pamo ukunyomosiwa mma. Lōli,” alinkuti, “mubwa nkati, kilipo ikitima iki uswe tukutōlīgwa ukupilikisya.”

¹⁰ Une ndinkuti, “Linga umwe mubagile ukwitugasya pāsi apa itolo pakabalilo, une nguya pakubabūla umwe.” Kangi une ndinkubūka ukuyoba isya mboniboni. Ikyene kyāli kiyabo ikingi ku bēne. Abēne bāmēnye nakimo ikya ikyene. Une nābabūlīle abēne isya i Bāngēli. Polelo une nābabūlīle abēne isya mboniboni iyi u Ntwa ālimbele une itolo ilisiku limo, kangi abēne bākūtīle ngati bānīke. Itolo ukwitugasya pala nukukūta. Kangi une. . . abēne. . . Une ndinkuti, “Une ngusūbile umwe mutikunyēga une ugwabwīpūti unсутamo pamo yumo.”

¹¹ Alinkuti, “Na munjila nayimo, Nkundwe Branham. Une ngwitika ikyo ni ndumbula yangu yōsa.” Umwene alinkuti, “Loli ikindu kimokyene itolo une ngulonda ukuyoba: Ugwe utikubūka ku sukulu ukumanyila ifindu ifyo.” Alinkuti, “Une ngwitika ukuti ifyene fikwisa ukufuma kwa Kyāla Mwenemaka.” Kangi abo bo batatu abaganga abafumuke mu Louisville, abanunu ukukinda-bosa aba abēne bāli nabo. Kangi, popāpo, une nāhobwike fiyo panongwa ya ikyo, kangi ukumanya ukuti lumo u Ntwa ālinyitikisye une ukubyāla i Mbeyu simo mubwa mula.

¹² U nāsi aligwesa, āyobíle kwa bēne. Abēne, ulubunju lumo, mukusōka ukufuma mu kyumba kya x-ray, une ndinkuyoba kwa i. . . Une nākētíle ku mpelakisa unkíkúlu unkangale. Umwene āli mbine fiyo. Kangi une ndinkumilisa ukusuluka, ukusuluka mpaka une ndinkufika ku mwene. Une ndinkwinogona umwene ābagíle ukuti ikufwaga. Kangi une ndinkuti, “Une ngulonda ukukulālusya ugwe ililālusyo, kalumbu.”

Umwene alinkuti, “Ena, nkulumba.”

Une ndinkuti, “Ngimba ugwe uli Nkristi?”

Kangi umwene alinkuti, “Une nīngíle ikipanga *kyakuti*.”

¹³ Kangi une ndinkuti, “Une itolo ngulonda ukupela ikyo ukuya kyapabwelupo.” Une ndinkuti, “Une—une ngulonda ukumanya linga ugwe gwe Nkristi, Nkristi gwanaloliloli. Ukuti, linga ugwe kufimbilisigwaga ukukilania inyanja ya būmi ukubūka mu Kīsu ikingi, ngimba ugwe unganíle Umwene?” Une ndinkuti, “Ngimba ugwe ubagíle naloliloli ukupokigwa?”

Kangi umwene alinkuti, “Ena, nkulumba. Une ngulonda ukuya.”

¹⁴ Kangi une ndinkuti, “Kyala akusaye indumbula yako polelo. Kali yo njila iliku umbelo gukupūta, ugwe uli kanunu kokuti, pene pāpa ikylene kikubūka bo ulo.”

¹⁵ Kangi linga uswe itolo tukusyungutula, filipo ifilundilo fingi ifya bāndu abanunu bakāli bāsyéle nkīsu.

¹⁶ Lilino, umwisyugu, une nīsíle ni mboniboni iyi une ngubabūlāga umwe pitasipo. Kangi une ngulonda ukuyoba, tāsi, pa tumo twa Lisyu, ’nongwa yakuti i Lisyu lyo likulondígwa fiyo, lyākulondigwa ukukinda-fyōsa lilino. Kangi une nhobwíke ukumbona Charlie Cox, kangi, nkundwe, mwinangu imile pala, palikimo. Nkundwe, une ngutoligwa ukwinogona. . . Jeffries, une ngutoligwa ukwinogona ingamu yāke. Mwe bingi ba umwe bakundwe abangi abapala ukufuma ku Georgia, ukufuma ku fiyabo ifikindane ifya kīsu. Umwinangu ugwiyo, Bill, itugesye apa, une ngusūbīla ikylene kili, ulubunju ulu. Kangi—kangi bingi. . . Kangi nkundwe ukufuma ku Georgia pala, abāndu aba bambele une u sūti iyi. Umwe mumenye, iyo yo—iyo yo yimo mwa ma sūti amanunu fiyo aga une nāfwelēmo siku. Yikupilikígwa itolo nnunu fiyo, naloliloli nnunu fiyo. Kangi umwe mukusanusya fingi fiyo kwa une. Akabalilo kākō une ngubabūla umwe iki kyāboníke, amasiku manandi aga gakindilepo aga, kwa une, umwe mwisakukēta nongwa ya fiki ikylene kikusanusya fingi fiyo kwa une.

¹⁷ Lilino, une ngusūbīla, linga u Ntwa ikwitikisya, une ngulonda ukuguta ubwíte nubukafupo ukukinda pabutasimo siku, mbūmi bwāngu. ’Nongwa yakuti, une ngusyagania lilino ikylene kyo. . . Ena, une mbagíle ukufwa umwisyugu. Ikyo kokuti, ugwe ukamanya. Ifyakusōka mu makina gakupimila

indumbula yangu na filifyosa, aba x-ray aba luko ulukindane kalongo-na-luhano-na-lumo, ena, ukugela umbili gosa, fyānāngisyē ukuti une nāli mu . . . bo nkafu bo mundu aligwesa ābagīle ukuya, umundu pa kīsu. Polelo une ngupālisya panongwa ya ikyo. Lōli, ifindu fyōsa, pōpe fyosa fya ikyo, kangi ukuya gwakupālisya nukugwa ulupi kwa Kyāla, ukuti une ndi, ukuti une ngwitika Umwene akāli ikungyunga une mu bubombelo Bwāke, ikyene kikāli iki Umwene ālināngīsyē une itolo panandi itolo bo pakafika pala, muketile, itolo kyālimbelile une ukuya nhoboke fiyo.

¹⁸ Lilino, une ngwinogona, ikilo iki . . . Ikyene kyo kili kanunu na umwe? [Nkundwe Neville ikuyoba, “Ena, nkulumba.”—Nsimbi.] Ugwītu—ugwītu unkundwe umpala yo—yo yumo nnyambala mpi, yo—yo Nkundwe Neville. Kangi linga aligwesa gwa umwe mwāli apa Pandungu ugu gukindile kangi mwāpilike i ndumi inswigisyē yila iyi umwene ātwēle, pa “ikipake kya mafuta,” iyene kyāli panja- . . . yimo mwa ndumi yapamwanya une mbilikēmo siku, yo iyi Nkundwe Neville ātwēle, ukwisila mwa Mbepo Mwikemo, Pandungu ugu gukindile, ku katimo aka kanini ka ng’osi aka Kyāla abungēnie palikimo.

¹⁹ Kangi linga ikyene kikuyaga kanunu, ukuhobosya kwa Ntwa, kangi nu Nkundwe Neville kangi i kipanga, une ngulonda ukuyoba kangi ikilo iki nukwanda ulubātiko lwa, tutigi, Kilembelo nkilo . . . Une ngusanusya, Ndungu nkilo, kangi Kitatu nkilo, kangi u Pandungu ugu gukwisa, u lubātiko ulu iki une nāfūdīle.

²⁰ Une āngāli ngaya nafyo ukusyala ukukilania kula ku kipatala. Lōli abēne bāli banunu fiyo kwa une, abēne bālimbēle ikyumba kuntengo unnandi katatu-kosa. Kangi popāpo une itolo nālyēgīle Amabāngēli gāngu, amabūku gāngu, nukunienga ikitala, nukwitūgasya mosa mukufugama kula, nukuya na gosa Amabāngēli ni findu galambalēle ukusyungutula. Kangi une naloli nāli na kabalilo, mpaka abēne bātwele a mafuta ga nyemba gala nkati mula. Akabalilo kāngu akanunu kalinkwīma palapala pala. Une—une nāmalike pala. Lōli, Nkundwe Pat, une nāli mbine nalōli. Ikindu kila, une ngabagila itolo ukwikifya. Kangi, lōli une nāli na kabalilo kanunu, kumwanya ku masiku gakwanda matatu pamo mana. Une nāyaga na kabalilo kanunu.

²¹ Kangi une nafundaga pa Būku gwa Baefesi. O, ukubātika palikimo kula ukwa Kipanga! Kangi une ngwinogona ikyene kyo kindu kimogi.

²² Kangi—kangi linga ugwe, lilino, linga ugwe ulinakyo ikipanga iki ugwe kubūkako, ugwe kindililaga kangi ima pa buyo bwa mbombo yāko. Lōli linga ugwe ukaya nakyo ikipanga, kangi ugwe kulonda ukugomokela ikilo iki, kangi Kitatu nkilo, kangi Pandungu nkilo, une ngulonda ukwega, ikilo iki, i lya 1 Būku lya Efesi, kangi ikilo kya Kitatu, untu gwa 2 gwa

Efesi, kangi u Ndungi unkonge, untu gwa 3 gwa Efesi, ukubika ulubátiko lwa Kipanga. Umwe mumenye iki une ngasanusya, Ikyene kyo—Ikyene kyo kubika mbúyo. Kangi une ngwinogona ikyene kyo kuyengeléle—mmwanya, ku Kipanga.

²³ Une ngaya . . . Une ne—une ne itolo nguyoba iki ku ababikwisa ba Branham Tabernacle.

²⁴ Kangi linga aligwesa gwa umwe bakundwe . . . Une mmenye bamo ba umwe, une ngwinogona, muli ni ngomano. Unkundwe gwítu unnini ali pamwanya pala pa Sellersburg, kangi—kangi abangi abakindane, bali ni ngomano. Lilino, kéta, sila syo ngomano sya lusasano. Umwe bukága ku isyo. Abène bo bāmbombo ba Kristi, banyambala banini aba bikwima pakati, aba basōkile panja. Na pāpo ikipanga kyābo kyene kyākānile u Bwanaloli, ni findu bo ifyo, abène bālyēndile itolo ukusōkako ukufuma ku kyene. Kangi Kyala abakōlile ku butumigwe. Ena, nkulumba. Une—une ngunyonywa u nnyāmbála . . . Une ngutoligwa nukwinogona isya ngamu ya nnyambala yula. Lōli umwene yo ndumiana mwinitu, nnunu, mwinitu mboneke-mmogi, kangi unkasi ugwalugano na bāna.

²⁵ Kangi—kangi Nkundwe Junie Jackson āyaga ni ngomano simo pāsi apa, iki kyo kingi ikinunu, kikopo kyakutūfyígwa kya lipyana iliswigisye ilya Kyāla. Kangi akabalilo kāko abene bikuya ni sasanio mfipanga finu, umwe būka itolo nkyene ku syene, panongwa yakuti ikyo kyo kyinu . . . ikyo kyo kindu kyakubōmba. Nongwa yakuti, umwe mukamanya, lumo ikuyaga utulwanongwa ikwisa ku kigemo, kangi ugwe ubagile ukugūtígwa ukundongoléla u mundu yula kwa Kristi, iki kyo kisakuya kihombigwa kyāko ikikulumba kwīsilya ku lubafu ulungi.

²⁶ Uku ko itolo kumanyisya kangi ukubika i Kipanga ndubátiko, apa pa kipanga, ukutūla mulamula bo uswe tukubūka.

²⁷ Lilino, une ngātwele i ngetela-kabalilo yangu, popāpo yumo angētésyege kuli une. Doc abombilepo ukunangisya une, umwene ali nayo yimo, popāpo, nnuguna gwangu. Popāpo lilino . . . [Nkundwe Edgar “Doc” Branham ikuyoba, “Une ndikuhomesya nyingi fiyo mma panongwa ya ikyene,” kangi ikumpa ingetela-kabalilo yāke kwa Nkundwe Branham—Nsimbi.] Ugwe utikunhombesya une nyingi fiyo panongwa ya ikyene? Umma ndaga. Ena, lilino, ikyo kyo kili kanunu. Ena, lilino, une ndikusūbila ikindu iki kikutalusya, nu kwanda itolo. Polelo . . . [“Ndaga ugwe. Une ngukubūlāga ugwe kamo kwa ugwe.”] Lilino, o, o, sh, sh, sh, sh. [“Une nākoliléko utulama kalongo, pa lisiku lyakupāpígwa kwāngu, ulubunju ulu, itolo ukuti ugwe gwīpilike kanunupo.”] Ugwe ngimba? Lilino ikyo kyo . . . I koloko iyi yēndile itolo mmwanya mōsa fiyo kanunupo polelo, Doc. Ikuti umwene āsōsisyépo, pa lisiku lya kupāpígwa

kwāke, ukuti une nīpilike kanunupo, 'nongwa yakuti silipo sibili pamo sitatu pakati pa umwene na une. Popāpo umwe mubagile ukukēta une ndiko, pāsi pa nsebwe. Lōli, o, ikyo kitikutamia na panandi, kwa une. Lilino, une ndikuyaga ntali fiyo mma.

²⁸ Lilino, linga balipo abahesya mfipata fyītu, uswe naloliloli tukulonda ukubāmbilila umwe ni ndumbula syitu syōsa. Umwe mukwambililígwa fiyo apa pa kapanga kanini aka. Uswe tukaya na kingi ka kinyumba mma. Ikyene kili ndubātiko lilino ukuyenga uswe, komma ubuyo ubunywamu, lōli itolo a...Iki kyo itolo kifuki kibongotwike. Kangi uswe tukugelaga ukwiengela twibene akanunu akanini akapanga kakwikasyamo apa, nu bwengo bo uswe...u Ntwa isakwitikisyaga uswe ukubomba ikylene. Kangi mwe bingi ba umwe mwesa mukupela ukugela ukubūka ku iki, kangi uswe naloli tukupālisya ikyo.

²⁹ Lilino une ngulonda umwe ukusanukila na une, ulubunju ulu, ku Samueli Gwākwānda untu gwa 8, kangi ukwanda kifuki pa, unko uswe twānde kifuki pa linandi lya 19, amanandi ga 19 na 20, lumo, ku mutu unnini kuli nongwa yimo.

³⁰ Kangi lilino, bo umwe mukupaga apene, kangi bo uswe tukāli...Uswe tukubalaga ilyene, kangi popāpo uswe tukulonda ukubūka ku lwīpūto. Kangi kubagile ukuyapo ukusuma kulikosa ulubunju ulu, kangi ukuti, "Ngumbukila itolo une"? Ndukomano lwītu ulukinde, imilungu mibili igi gikīndīle, pamo mitatu, akabalilo kāko une nāli nu lukomano...Tutigi, uswe...

³¹ Mukukumbusya, akabalilo umwe mukusyumbutula, u lukōmano lukwānda mu Chautaugua, ilya 6 lilino. Uswe tukugūlīla akabalilo akakulumba, Middletown, Ohio. Umwe mwe muli ni njāto syīnu sikwīsa, isaga kula. Kangi kubugonele kubunywamu, itolo pa kisōko, kūko, o, uswe...ukulūmbilīla umwe mupilikēmo siku. Abene bali mmwanya-na-pasi pakisōko, balumbilīli, ulubunju luli losa mosa ukukinda pamusi na pakillo. Popāpo abēne bōsa bikwibungania palikimo. Ulwene lubingilo lunywāmu, kubutalipo ubunywāmu ukukīnda Silber Hillal, kingi kosa. Kangi—kangi polelo u buyo ubunywamu kula kūko uswe tubagile ukubīka abandu maelifu lwele kangi kalongo. Kangi ikylene yo akabalilo kōsa kyīswīle. We tuli na kabalilo kakulumba mu Ohio.

³² Kangi unkangale Nkundwe Kidd, uyu une nābūkīle ukummwipūtīla, ulubunju lumo. Umwe mwesa mukukumbukila une ngubabūla umwe, imilungu mitatu igi gikīndīle? U ngānga ālīmpēle umwene ilisiku limolyene, ukuya mūmi. Umwene ali mmwanya nukwendendeka. Umwene ālyāndisye i Lisimbo, u lwīmbo umwene ātolīgwāga ukwimba. Kangi bo une nālīngīle nkati nukukēta umwene, ulubunju lumo, kangi aka kwīkinga kanini kala pamwanya pa mwene. Une nāsōkilēpo apa kifuki isala sitatu pamo sina bo kukāli kukakya, ukuti une nābāgīle

ukufika ku mwene. Abène bāyobīle umwene āyaga pakufwa i lisiku lila; kansa gwa kubunyāmbála.

³³ Kangi unkasi gwake umpala, unnini, unkangale, āsukaga ukwambilila masenti malongo mahano písiku; uko ko bo kukāli ukukya, mpaka nkilo, panongwa ya masenti malongo mahano, ukunkyunga undume gwāke pa ngundu ukuya ndūmbīli. Alūmbilīle ulusasanio lwa milungu mibili, nukwegapo ikyabupi, ālyēgīle amasénti malōngo lwēle.

³⁴ Lōli une nābābwéne abene bītugésye pala ulubunju lumo, bala abanini babīli, ababīli abakāngāle, babīli abanini, ndigi, bītugésye pala, kangi akākūkīngā kāke akanini pamwanya pa kibega kyāke. Kangi yumo mwa bapinduke bāke, nkusi ni fyinja malongo-mahano-na-mana-na-fibili, itolo ukuya nsangaluke nukumwekuka, kangi gwa kiPentekosti kubumalikisyo, kangi itugésye pala, umwe mumenye. Kangi une ndinkuti, “Umwe mumenye iki mwe bandu bakāngāle mwitugasyīle panja apa? Itolo ukugūlila ubwāto ukwīsa.” Ikyo kyo kyōsa. Imbombo yābo, fyosa ifi abène baponjwīle, i—i fundo iyi abène baponjwīle, kangi abène bītendekísye lilino ukubūka ku kihombigwa kyābo.

³⁵ Kangi une ndinkuyoba kwa Nkundwe Chev, ukuti kwa Nkundwe Kidson . . . Kidd, ulubunju lula, “Ugwe kuyaga pakuya ku lukomano lwa ku Chautauqua.”

³⁶ Umwene ālingōlīle une mmayolo, alinkuti, “Une ne . . . Une nguyaga pakuya kula, Nkundwe Branham.” Itolo kanunu.

³⁷ Bingi aba lukomano, ukufuma ku butumigwe bwāngu bukwīngila. U nkundwe, nkundwe gwa kiBaptisti imīle apa, umwanundindwana gwāke, ntubwa, āli mu luko lwa kuya panini njila ya pānja. Kangi ukumbula umwene, “Une ngukupu ugwe umwanundindwana gwāke kwa Yeso Kristi,” ulubunju lumo. Kangi bo umwene ābūkīle ku kāya, umwene apokígwe. Kangi uyungi apa ulubunju ulu, ukōsígwa kangi ukukīndilīla.

³⁸ Kangi unnyāmbála, Tāta. Sothmann, umwinangu gwa une ukufuma ku Canada, u māma-unko gwāke nkati nkayīlo ka kúfwa, ndinkuti, “Ugwe kwākwāga u māma-unko gwāko akabalilo kāko ugwe kufika kula, ali kanunu, pa nsebwe gwāko ku bupole, fyosa kanunu.” Umo mo itolo ikyene kyāyīlīle. Kangi itolo . . . abāndu itolo ukwisa. Ikyene kyo itolo mu bwandilo bwāke lilino, ukwēnda. Lōli, o, uswe tukugūlila ifikīnde, ifilūndīke pamwanya pa fyosa. Uswe tuli mmasiku amabībi kangi gābumalikisyo, lōli mu sala iyālwīmīko.

³⁹ Lilinongimba mugāgīle i Bangeli lyīnu, kububāle, untu gwa 8 gwa Samueli? Kangi une mfingile kwa Gene ukusyala kunyuma kula, ukwēgeléla yosa ya iyi. Uswe twe itolo tukwānda uku, mu lukomano lwītu.

Loli abāndu balinkupīka ukupilikila i lisyu lya Samueli; kangi abene balinkuti, Umma; lōli uswe tukuyaga nu mwalafyāle pamwanya pa uswe;

Ukuti uswe... tubagile ukuya bo... i kisu, fyosa ifisu; kang'i ukuti u mwalafyále gwitu abagile ukutulônga uswe, nukubûka panja ukutulongolêla uswe, nukutulwêla amabwîte gyitu.

...Samueli âpilike gôsa amasyu aga aga bându, kang'i...alinkugândisya kang'i agêne mu mbulukutu sya NTWA.

Kangi u NTWA alinkuti kwa Samueli, Pilikisya ku lisyu lyâbo, nukubatendekela abêne u mwalafyále. Kangi Samueli alinkuyoba ku banyâmbála ba Israeli, Bûka umwe u nnyâmbála aligwesa ku kâya kâke.

⁴⁰ Lilino linga une mbagile ukugela ukusala ukufuma ku iki, ulubunju ulu, iki une mbagile ukukôlêla untu, ku maminiti manandi aga gikwisaga, Une ngulônda ukusala untu gwa: *U Mwalafyále Umpikigwe.*

⁴¹ Akene kâli kabalilo, aka bo mu tubalilo tosa, apa abându bakalôndámo siku Kyâla ukubalôngolêla abêne. Abêne bikulônda injila yâbo bêne iya bulongosi. Kangi akapango aka ulubunju lula...Kangi akabalilo kâko umwe mukubûka ku kâya, ikyêne kikuyâga kinunu kuli ugwe ukubala ikyene kyôsa injila yosa. Ukwene kwâli kabalilo ka—ka masiku ga Samueli, u nnyâmbála gwa Kyâla, u nsololi. Kangi umwene âli nnyambala ungolofu, kang'i u nnyâmbála unnunu, gwaluyîndiko, gwângámu, gwabwanaloli kang'i gwanaloli-ndumbula na bându, siku ukubasyoba abêne, kang'i ukubabûla abêne nakimo lôli ukutalula ISI SYO IKUTI U NTWA.

⁴² Lôli a bându bâlísile ku buyo kûko abêne bâlondága ukusanusya ulubâtiko ulu. Abêne bákêtile pa baFiliti, na baAmaleki, baAmori, baHiti, ni fikolo ifingi ifya nkîsu, kang'i abêne bâketile ukuti abêne bâli na banyafyále aba babalagilága abene, nukubalongolela abêne, nukubalongosya abêne, nukubalwîla ama bwîte gâbo, na fyosa bo ifyo. Kangi iki kyâbonekaga ukuya ukuti Israeli âlondága ukwîfwanikîsya bo banyafyále bala, kang'i bo bandu bala.

⁴³ Lôli ikyene kikayamo siku, mu ngulilo yiliyosa, ukuya bwîgane bwa Kyâla ukuti abându Bâke ukubômbéla bo bându ba nkîsu, pamo ukulongosigwa pamo ukulagiligwa bo bându ba nkîsu. Abându ba Kyâla, bo akabalilo kosa, bâli ba—ba bându abaswîgisye, abându abakindane, abakôleligwe-panja, abapâguligwe, kang'i mulimosa bakukindana mbubômbélo bwâbo, mu njila syâbo, mbwitugasilo bwâbo, ukukinda iki abându ba nkîsu balinakyo. Ifinywonyo fyâbo ku findu, kang'i mûmo bosa ubupeligwa bwâbo buli, bwâli akabalilo kosa ukulwana ni findu ifi abându ba nkîsu bikunyonywa.

⁴⁴ Kangi abându ba Israeli bâlísile kwa Samueli kang'i balinkuti, "Lilino, ugwe kwisa ukuya nkangale, kang'i abânabalumiana bâke batikwenda mu njila yâko." Panongwa

yakuti, abène bakāli bābwanalóli bo Samueli. Abène bāli ba luhongo kangi ba lūsua lwa hela. Kangi abène balinkuti, “Samueli, abalumiana bāko bakaya bo ugwe, popāpo uswe tukulonda ugwe ukusōka panja nukutwagila uswe u mwalafyále, nukumōneléla umwene, nukutupela uswe bāndu bo balibosa bāndu ba nkīsu.”

⁴⁵ Kangi Samueli āgelíle ukubabūla abène ukuti kila kikābagíle ukubomba. Umwene alinkuti, “Linga umwe mukubōmba ikyo, ikindu kyākwānda umwe mumenye, umwe mwisakwaga ukuti umwene isakubakōlelāga bosa abānabalūmiána binu ukufuma ntwaya twīnu, nukubapela basikali ukufuma ku bēne, ukubopa pankyene pa magileta, nukupimba ifyakufwala-mbwíte ni ngwebo. Ikyo kyene mma, lōli umwene isakubakōlelāga abānabalīndwána binu, ukupela abapīya nkati, nukubēga abène ukufuma kwa umwe, ukuswīla ababwíte. Kangi,” alinkuti, “palubafu lwa kyosa ikyo, umwene isakwēgāga unsongo gumo ukufuma kwa umwe, ukufuma ku fimela, kangi ni hela syosa isi mukukāba. Umwene isakukwēgāga isongo pa fyosa ifyo, ukupela ifyakumeleligwa fimo ifya sikali, kangi fyosa bo ifyo, ifi fikufimbilisigwa ukuhombigwa.” Umwene alinkuti, “Une ngwinogona ukuti umwe, palikimo, mukutendeka ubusóbi.” Lōli akabalilo . . .

⁴⁶ Abāndu balinkuti, “Loli uswe tukulōnda ukuya bo bāndu balibosa.” Kilipo ikindukimo ukufwana na banyāmbála na bakīkūlu, ukuti abène bikwīsyukwa ukuya bo yumo nu nnine. Kangi ālipo mwene u nnyāmbála yumoywene ntiga uyu ālimo siku nu bumi pa kīsu uyu āli kyakwēgeléla kyītu, kangi yula āli Yumo uyu ātufwīlile uswe twesa, u Ntwa gwītu kangi Mpoki, Yeso Kristi. Umwene āli kyakwēgeléla ikipelesye ikyakuti uswe tuyege, akabalilo kosa ukufwana ni mbombo ya Tāta, kangi ukubōmba kila iki kyāli kitalusye.

⁴⁷ Kangi kali Samueli āgelíle bulebule ukupepeka abāndu, kingikingi abène balinkubūka ukunkōngésya umwene, pamusi na pakilo, “Uswe tukulōnda u mwalafyále. Uswe tukulōnda u mundu. Uswe tukulonda u mundu uyu uswe tubagíle ukuyoba, ‘Uyu yo ndongosi gwītu.’”

⁴⁸ Kangi kila kikayamo siku bwígane bwa Kyāla. Ikyene kikālimo siku bwígane bwa Kyāla, pamo siku kitisakuyamo bwígane bwa Kyāla, ukuti u mundu alagilége pa nnine. Kyāla ikulagíla pa mundu. Kyala yo Ngagili, pamo Mwalafyále.

⁴⁹ Kangi ikylene kyo fiyo, fiyo kyasoka ikya mwisyugu, panongwa yakuti u mundu ikuboneka ukuya gwa fundo yilayila. Abène batikuboneka ukuya babagíle ukukikóla ukuti Kyāla akāli ikulagíla u mundu, mbuyo bwa mundu ukulagíla u mundu.

⁵⁰ Polelo abène bālisalíle bene u mundu ikukōleligwa Sauli, uyu yo āli mwanundumiana gwa Kish. Kangi umwene ali mundu umfumuke, ugwakuyindikigwa. Lōli umwene afwanikisigwe

na bandu itolo nukutalusya, panongwa yakuti umwene āli nkulumba, ntali, njindikigwa, kifwani kya nnyāmbāla. I Lisimbo lyāyobile umwene āli ntu ni fibega pamwanya pa nnyāmbāla aligwesa mu Israeli. Umwene āli mboneka-mwalafyale, kangu umwene āli mmogi nkisyo. Umwene āli gwamahala kangu nnyāmbāla nkindane.

⁵¹ Lilino, ikyo kyo luko lwa bandu aba ukusala umwisyugu. Abāndu batikuboneka ukuya bīkutisigwe na mu njila yiyo Kyāla abikīle i Kipanga Kyāke, ukulongosigwa nukulagiligwa na Mbepo Mwikemo. Abēne bikulōnda yumo, umundu yumo, ikipanga-kipāgūke kimo, abāndu bāmo ukulongosya i Kipanga. Bala, abēne bikutoligigwa ukwisōpa bene nukumalīsa mmaboko ga Kyāla, ukuya bamwambepo, ukuya balongosigwa na Mbepo Mwikémo. Abēne bikulōnda ukubabombéla ubwīpūti bwābo abēne, yumo uyu isakubabūlāga abēne itolo akabōmbélo ka ikylene, kangu fyosa ifya ikylene.

⁵² Polelo unnyāmbāla uyu ābonekāga ukuya gwākufwāna pa buyo katikati, panongwa yakuti umwene āli nnyāmbāla gwamīnogōno fiyo.

⁵³ Kangu ikyēne kyo mbwīngi bōsa bo ngati mwīsyugu. Uswe twīganīle ukusala abāndu bā luko ulu, nūswe, ukulagīla ifipanga fyītu, ukulagīla i Kipanga kya Kyāla. Nakimo iki une mbagīle ukuyoba ukulwana ni kyēne, lōli itolo ukupela itolo i fundo, ukuti: ikyēne kikāya mma, ikylene kikāli mma, kangu ikylene kitikwīsa ukuyamo siku bwīgāne bwa Kyāla, uluko ulu ukuya. Kyāla yo abagīle ukulagīla abāndu Bāke, ukulongosya umundu aligwesa pamwene.

⁵⁴ Polelouswe tukwāga ukuti u mwānundūmiāna gwa Kish uyu, nnyamba nkulumba, kangu—kangu ubutāli bwāke, kangu ikyāke...Umwene ābonekaga ukufwana na bāndu, ukuti unselekesye gwāke pa mwene gukubonekaga nubukulemba. Kangu ingiga ya bunyafyāle pantu gwāke, pabutali nkati pamwanya bōsa abāndu bāngi, bo umwene ikwēnda, ayāga i—i kyūma kyānaloliloli ku kitangalala kya Israeli. Kabuno, abanyāfyāle abangi, aba fikōlo ifingi, bīnogonaga, “Kēta yo nnyambalanki yula!” Mūmo abēne bābagīle ukusōsōla u lōbe lwābo nukuyoba, “Kēta apa, yo mwalafyāle unkulumba muki uswe tulina gwe! Kēta yo mwalafyāle nkulumba muki uyu yo ali pamwanya pa uswe!”

⁵⁵ Kangu kyābusulumanie ukuyoba, lōli mumo ikylene kiyīlīle kyabwanaloli umwisyūgu ni kipanga, abēne bīganīle ukuyoba, “Untimi gwītu akāya nnyāmbāla gwa nyinogono-insēkéle mma. Umwene yo nnyāmbāla nkulumba. Umwene yo mfwīkīgwa ukufuma ku Hartford,” pamo i sukulu yimo iya bufūnda-kyāla. “Umwene ali na madigri ukufuma ku *bwakuti-na-bwakuti* u buyo. Kangu umwene yo gwakwīfulugānia kanunu fiyo pakati pa bāndu.” Fyōsa ifyo fibagīle ukuya finunu mōsa, nukuya bu

buyo bwāke. Lōli injila ya Kyāla ku Kipanga Kyāke yo yikuya kulongosigwa na Mbepo Mwikemo, kangi ukwisila mwa Mbepo Gwāke.

⁵⁶ Lōli abene bīganīle ukuyoba ukuti, “Uswe tulinakyo ikipanga-kipāgūke ikikulumba iki uswe twe benekaya kula. Uswe twālyāndīle kunyuma mmasiku amalābile agākubwandilo, akabalilo kāko uswe twāli mbunāndi, itolo abandu banāndi fiyo, kangi banini. Kangi lilino uswe tubēle mpaka ubuyo mpaka uswe tuli nkati mfipanga-fipāgūke ifinywamu ukukīnda ifi filipo. Uswe tuli na masukulu amakīnde, kangi abalumbilili abamanyi abakīnde. Uswe tuli ni filundilo ififwale-kanunu ifikīnde. Kangi abāndu abaminogono ukukīnda aba nkāya kala bikwīsa ku kipanga-kipāgūke kyītu. Kangi uswe tukupa ku butuli. Kangi uswe tukubōmba imbombo innunu, na fyosa bo ifyo.” Kangi nakimo na panandi, Kyāla akānisyege, ukuti une mbagile ukuyoba ilisyu limolyēne ukulwana na ikyo, namanga fyōsa ifyo fyōsa finunu.

⁵⁷ Lōli, pōpe, ikyēne kikāya bwīgāne bwa Kyāla ukuti u mūndu abagīle ukulagīla pamwanya pa mūndu. Kyāla ātūmīle, Pisiku Iya Pentekosti, Mbepo Mwikēmo ukulagīla mu ndumbula sya bāndu, kangi ukulagīla mbūmi bwāke pamwene. Ikyēne kikasanusigwe mma u mūndu ukulagīla pamwanya pa mūndu.

⁵⁸ Lōli uswe twīganīle ukuyoba ikyo. Ikyene kyo kindu kyapamwanya fiyo akabalilo uswe tubagīle ukuyoba uswe twe benekaya ku kipanga-kipāgūke kimo ikikulumba.

⁵⁹ “Ngimba ugwe gwe Nkristi?” Umo mo mūmo une nāgwīlīle pa ntu ugu, akabalilo kāko une nāli ku kipatala. Kangi une nālālūsyāga yumo, “Ngimba ugwe gwe Nkristi?”

“Une ne mwenekaya ku *kyakuti-na-kyakuti*.”

“Ngimba ugwe gwe Nkristi?”

“Une ne mwenekaya ku *kyakuti-na-kyakuti*.”

⁶⁰ Kangi u nāsi unnini ālīsīle mu lubafu lwa kitala pāpo une nābalāga i Bāngéli, kangi umwene āli u—u nāsi mpya pa kipālo pala. Kangi umwene alinkuti, “Mubōmbīle ugwe.” Umwene alinkuti, “Une ngusūbīla ugwe gwe Rev. Branham, apa gwīsīle ukugelīgwa mu mbili.”

Une ndinkuti, “Une ndi.”

⁶¹ Kangi umwene alinkuti, “Ngusuma une ngugūse inyuma yāko, ukukupela ugwe ukwīpilika kanunupo nu bwalwa?”

Kangi une ndinkuti, “Ugwe ubagile ukubomba ikyene.”

⁶² Kangi Kangi akabalilo kāko umwene agūsāga inyuma yāngu, umwene alinkuti, “Kyo kipanga-kipāgūke kiliku ikya kipānga iki ugwe ukuya gwakāya?”

⁶³ Kangi une ndinkuti, “O, une ndi gwākaya ku kipanga-kipāgūke ikikūlu ukukīnda-fyōsa ifi filipo.”

Kangi umwene alinkuti, “Kyo kipanga-kipāgūke nki ikyo?”

⁶⁴ Une ndinkuti, “Ikyene kyo kimo iki kyapanganisigwe bo i kisu kikāli kipanganisigwemo siku.”

⁶⁵ Kangi, “O,” umwene alinkuti, “fiki? Une ngamanya ukuti une mmenye itolo ikyo.” Umwene alinkuti, “Une ndi gwa kipanga *kyakuti*. Ngimba ikyene kyo kibugutula kila?”

⁶⁶ Une ndinkuti, “Umma mama. Ikyo kyo kyāli itolo ifyinja ba mia babīli ifi fikindilēpo, ikibugutula kila. Lōli ikibugutūla iki kyālyāndīle akabalilo kāko i ndondwa syakulubunju syālimbīle palikimo, kangi abānabalumiana ba Kyāla bāywēgīle panongwa ya buhofu, akabalilo kāko abēne bākubwēne ukwisa kwa Mpoki ukutabūla uluko lwa mundu.”

⁶⁷ Kangi umwene itolo alinkwima ukugūsa inyuma yāngu. Kangi une nālinēme panini, ukukilānia injila *iyi*, ukuti unkīkūlu yula ābagīle ukugūsa. Kangi umwene āfumāga kifuki ku Corydon, pāsi apa. Uswe tulinkwanda ukuyoba. Kangi umwene alinkuti, “Nkulumba, une akabalilo kōsa nītīke ukuti linga Kyāla ālīmo Kyāla, Umwene yo akāli Kyāla, umwisyūgu, itolo bo Umwene āli mmasiku agaiyolo.” Umwene alinkuti, “Palema nalinga ikipanga kyāngu pabwelu-itolo kikipūka ikyo, lōli une ngwitika ukuti ikyene kyo Bwanalōli.”

⁶⁸ Kangi une ndinkuti, “Ugwe ukaya kubutali fiyo ni Kitangalala kya Kyāla, nkīkulu nkeke.”

Umwene alinkuti, “Linga Umwene ālīmo siku mbumbulusyi, ngimba umwene akaya Mbumbulusyi nalilino?”

Une ndinkuti, “Umwene fiyo naloliloli ali, kalumbu gwangu.”

⁶⁹ Lōli u mundu ikulonda ukulagila, kangi ukulagila pa mundu. Kangi u mūndu ikulonda u mūndu ukulagila pamwanya pa mwene. Umwene atikulonda ukuya na Kyāla ukulagīla.

⁷⁰ Popāpo u mwanundumiana gwa Kish uyu, Sauli, ingamu, āli itolo lyāmulo ku iki abēne bākilondīle, u nnyambala unkulumba ugwabulagili. Kangi i . . . O, umwene ābagīle itolo ukubalongosya abāne ku ma bwīte gābo, na fyosa bo ifyo. Lōli, pōpe, ikyēne kikāli njila ya Kyāla iyakubōmbēla ifindu. Kyāla ālondaga u nsololi Gwāke unsūbilīgwa ukubolongosya abēne, nukuyōba a Masyu Gāke ku bene.

⁷¹ Lilino, umwisyūgu, mu ngulilo yītu ingulumba iya kipanga iyi uswe tukwitugasyamo, uswe, une ngwinogōna, kangi ngwitika iki ni ndumbula yāngu yōsa, ukuti uswe tubukūkilē katikati mukusyumbutusya ukufuma ku iki Kyāla atonelelīle uswe ukubōmba. A Masyu ga bumalikisyo ga Mpoki gwītu gāli mwa Mariko 16. Alinkuti:

Buka umwe nkisu kyosa, kangi ukulumbilila inongwainunu kukipeligwa kilikyosa.

*Uyu ikwitika kangi ikosigwa isakupokigwaga; . . .
umwene uyu atikwitika isakutagigwaga.*

*Kangi ifika ifi fisakukongaga abene aba bikwitika; Mu
ngamu yangu abene bisakusatisyaga imisyetano; abene
bisakuyobaga ni njobelo imbya;*

*Kangi linga abene bikupimba imiyoka; pamo . . .
ukunwa . . . ifindu ifyakugoga, ikyene kitisa
kubafulasyaga abene; kangi linga abene . . . bika
amaboko gabo pa babine, . . . abene bisakubumbulukaga.*

⁷² Akayapo nu nnyāmbála nayumo, akayapo nu mwanundumiana gwa Kish nayumo, pamo nayumo yumo uyungi, abagile ukutwala kila panja pa bulongosi bwa Mbepo Mwikemo. Lōli uswe tutendike ama sukulu, uswe tutendike kubufūnda-kyāla, kangi tutendike ifibugutila, uku—ukwikutisya, kangi ukuboneka bo bōsa aba nkisu.

⁷³ Lilino, Mbepo Mwikemo ālisibīle ukuya yo Ndongosi nkīsu iki. Ikīsu iki kyālisibīle ukulagililīgwa akabalilo kāko kunyuma mu . . . akabalilo kāko abēne bāsimbile mōsa u bufumusye bwa bwābuke. Kangi pala kyālipo ikikota ikyakongelēlāpo kibīkīgwe pala. Kakayapo na kapatu nakamokene aka kwīlamwa mu linogono lyāngu lōli ikyakuti u Mwanundumiana gwa Kyāla itugasyaga pa ku mesa pala, akabalilo kāko ikīsu iki kyālyālīgwe pa fundo sya bwābuke bwa bwīpūti kangi ubwābūke ku bōsa, kangi pa lwālo lwa Lisyu lya Syepwa lya Kyāla.

⁷⁴ Lōli uswe tubwāpwīle ikyo. Ndyali; uswe tusalīle abanyāmbala nkati mula, pāsi pa kūla nu kūlīsyā, ni fingo syabutungulu. Mpaka . . . I kīsu kitu, ni ndyāli syītu, ni demokalasi yītu, fibwāpulīgwe fiyo mpaka ikyene kyo—ikyene kilūkīgwe ni kikomyunisti nu luko lwa bosa aba-ism.

⁷⁵ Kangi utubalilo twingi uswe tukukōlēla nkati utubalilo twa lwīpūto, akabalilo kāko ukwibungania kwa fīsu bikwagana, kangi pala . . . pamo ukuya ni njobesanio. Kangi mu kabalilo kamo, akakulumba, lululu ulu, kukālipo nakamo akabalilo kamokene bākōlīle ku lwīpūto. Tukulōnganāga bulebule ingindano syītu kisita lwīpūto? Ngimba uswe tubagīlemo ukugūlīla, nkisu kyosa, ukubōmbamo siku kalikosa kisita bulongosi bwa Mbepo Mwīkēmo?

⁷⁶ Lōli unko une njobe iki nu lugāno nu luyīndīko ku kīsu kyitu na ku ndembela yāke, kangi na ku kilundilo kuli iki iyene yikwima: Uswe tupīkīle u Ndongosi gwītu, Mbepo Mwikemo, kangi ukwisila indyāli imbole tutwēlēmō abanyāmbála aba linogono ilibole. Kangi linga umwe mutikukētēsya, abēne bikubūka ukutendeka bumo mwa busōbi bwabufwe fiyo abene bakatendekamo siku, lululu, yo nongwa yakuti abāndu bikunyonwa abāndu ukulagīla.

⁷⁷ Iki uswe tukulondigwa mu likumba ilya Unites States, ukuya presidenti, iki uswe tukulondigwa mu Nyumba ya ndagīlo, iki

uswe tukulondigwa mfyumba fyĩtu ifya bulongi, bo banyāmbála aba bikemesĩsyē ubūmi bwābo kwa Kyāla, kangi bisūsīgwe nu Mbepo Mwikemo, kangi bikulōngosīgwa nu butalusi Bwakyala Bwāke. Lōli, mbuyo bwa ikyo, uswe tukusala abanyāmbála ba kwĩnogonela, abanyāmbála aba bali nu “bubūmbe bwa bunyakyala, kangi bikukāna amaka ga Kyāla,” abanyāmbála abakana ukuyako kwa kyāla, kangi utubalilo tumo bōpe ababībipo ukukinda ikyo, uswe tutwēle nkati nkiyabo kyandyāli, ikya kisu kyĩtu.

⁷⁸ Kikaya kikikyo mma, lōli mu fipanga fyĩtu. Ifipanga fyĩtu fiyīle fibole pa lwālo lwakuti uswe, mukusala abatimi bĩtu ukulongosya uswe, uswe tubūkīle ku semenale kangi tusalīle abanyāmbála aba bakulumba mindu gyāminogono, abanyāmbála abamahala fiyo mu linogono, abanyāmbála bamalasukulu, kangi bĩfulugānie bakulumba pakati pa bāndu, kangi banyāmbala bakulumba mbupalamanīe, iki une ngaya nakyo nakimo ukuyoba mukulwāna. Abanyāmbála aba bo ba kisa mu njila ya kwenda kwābo, bālpāsyo mu njila syābo sya būmi, kangi mūmo abēne bikwiyisya bena pakati pa banyāmbála bāngi, kangi pakati pa bāndu, banyāmbála abakulumba mmigunda gyābo, iki une ndikukiyoba ububībi. Kyāla kānisyāga ukuti u mbepo gwāngu guyege mbībi bo lula. Lōli, pōpe, ikyo kikaya iki Kyāla āsālīle kwa uswe.

⁷⁹ Ubwene bo bulōngōsi bwa Mbepo Mwikemo: Kristi mu ndumbula ya bāndu. Bingi ba banyāmbála bala abalinogonela aba bikwīma mu figemo fyĩtu bikupīka ukuyapo ukwanalolili kwa Mbepo Mwikemo. Bingi ba bēne bikupīka u kukuyako kwa bubumbulusyo Bwākyāla na Maka ga Mbepo.

⁸⁰ Une nābālāga akapango, mmayolo, une ngusūbilo ikyēne kyāli, ulubātiko lwa kalatasi sya nongwa utusalasala ukufuma kwa Jack Coe, umpisi Jack Coe, u...yumo mwa bapinduki bāngu kwa Ntwa Yeso, uyu yo āli nnyāmbála ugwamaka ugwa bukafu, mu lisiku lyāke. Kangi une nakōlelīgwe ukulālūsīgwa, pāsī mu Florisa, panongwa ya kundālūsya u mwanike unkeke ukufula ifikwitotekela ukufuma mmalundi gāke, nukukwenda ukukilania ikigemo. Kangi pa kubōmba lūlo, u mwanike ālyēndīle ukukilania pa kīgēmo, kanunu, nukwakugwa akabalilo kāko akēne kāfikīle kunna. Kyōsa ukuya kipingo kya ndugu gwa Kristi, unkīkūlu unkeke uyu nu ndume gwāke bāntwēle unkundwe unkifu uyu bulongi bwa kisu.

⁸¹ Kangi akabalilo kāko ikipanga kilikyosa kyābagīle ukwīma na Nkundwe Jack, akabalilo kāko unnyāmbála gwa kipanga aligwesa uyu ikuyoba i Ngamu ya Yeso Kristi ābagīle ukwīma ku lubafu lwāke, nabukifu, unnyāmbala aligwesa uyu ikukōlēla pa Ngamu ya Ntwa Yeso ābagīle ukugwa pa mafundo gābo ndwīpūto, lōli, mbuyo bwa ikyo, ukukilania ingindi sya ntu gwa fikalatasi, kimo mwa fipanga-fipāgūke fyĩtu kilinkuti abēne bākolanāga amaboko nu nkana-kyala

yula, ukuntobesya, ukumbika mminyololo Nkundwe Jack Coe. Mubagile ukwinogonela i kipanga, bikwikóléla bene i Ngamu ya Kristi, bābagile ukukólána amaboko nu nkana-kyala, ukutobesya u nnyāmbala unyakyala uyu āgelága ni ndumbula yāke yōsa ukwīmila i Bāngéli? Lōli abēne bābōmbile icyene.

Kangi Nkundwe Gordon Lindsay āli ku buponesyo.

⁸² Kangi akabalilo kāko undongi unsita-kwitika āyobíle, “U nnyāmbála uyu yo nsyobi panongwa yakuti umwene ālyégile ifyakwitotekéla ukufuma kwa mwanike nukuntuma umwene ukukilania ikigémo, nukuyoba umwene āli ‘mbumbulusígwe.’ Kangi umwene āsyōbíle, kangi umwene ābōmbíle ikindukimo ikikíndáne nu bulagili bwa ngānga, polelo umwene ali ni nogwa ya kusyoba ukulwana nu mwene.”

⁸³ Kangi Tāta. Coe alinkufyuka, kangi alinkuti, “Nkulumba, une ngupíka ubuyobi ubo. Kyāla ālimbumbulwísye undumiana.”

⁸⁴ Kangi u ndongi alinkuti, “Une ngulalusyága u mundu aligwesa mu koti ili linga ubuyobi bula bwābagile ukuya bwābwanalóli, ukuti Kyāla ābagile ukumbumbulusya u ndumiana pa bumalikisyo bumobwene ubwa kigémo, kangi ukundeka umwene ukuya mbine ku bumalikisyo ubungi. Linga ubuyobi bula bubagile ukusisimikisígwa ni Bāngéli, polelo une ngutigí Tāta. Coe ali nu bwābúke bwa buyobi bwāke.”

⁸⁵ Kangi u ndumbulili alinkufyusya ikiboko kyāke, kangi umwene alinkuti, “Ulujindiko lwāko, nkulumba, ngimba une mbagile ukuyoba icyene?”

Kangi undongi alinkuti, “Yoba kindilila.”

⁸⁶ Kangi u ndumbilili alinkwima pa malundi gāke, kangi alinkuti, “Ikilo kimo, pamwanya pa nyanja insambuke, akabalilo kāko akasitima kāli kifuki ukwībíla pāsi, isubilo syosa isya kuya bapokigwa syakíndíle. Abēne balinkumbona Yeso, u Mwanundumiana gwa Kyāla, ikwisa ikwenda pa mīsi. Kangi yumo mwa batumigwa, ni ngamu ya Peteri, alinkuti, ‘Linga ikyo kikuyaga Ugwe, Ntwa, ngóléla une nīse kwa Ugwe pa mīsi.’” Kangi umwene alinkuti, “U Ntwa alinkuti kwa ntumigwa Peteri, ‘Isaga kindililága.’ Kangi umwene alinkukata ilikato panja pa bwato, nkulumba, ukwenda itolo kanunu mūmo Yeso ābombelága, ukwenda pa mīsi. Lōli akabalilo kāko umwene āyíle nulutende, umwene ikwānda ukumilwa bo umwene akāli ukufika kwa Yeso.”

Undongi alinkuti, “Inongwa yimalike.”

Uswe tukulondigwa ubulongosi bwa Mbepo Mwikemo, komma abanyāmbála ba linogono.

⁸⁷ Sauli, u mwanundumiana gwa Kish, yo akabalilo kala āpelígwe ukuya kapitao pamwanya pa bāndu, kangi umwene ālyégile abanyāmbála maelifu mabili, kangi Jonatani ālyégile elifu yumoywene. Kangi Yonatani ābúkile pāsi ku garisoni yimo

nukupyúta ikibugutíla kya baAmoni, baAmoni, ndigi. Kangi akabalilo kâko—akabalilo kâko umwene ápyútíle abene, Sauli alinkukúba ingangabwíte, kangi alinkuti, “Umwe mukétíle iki Sauli abômbíle.” Umwene alinkwânda ukwitúfyá.

⁸⁸ Itolo nakalinga pâpo u nnyâmbála ikufika ukuya yumo unkulumba Dokotala gwa Bwâkyála, pamo ikwega akandukamo akanini kunyuma ya ngamu yâke, umwene ikuya, kingi pamo panandi, yo mmanya-kyosa-ikyene.

⁸⁹ Abanyâmbála ba Kyâla bo banyâmbála bâkwíyísyá. Abându ba Kyâla bo bându bakwíyísyá. Akabalilo kâko ugwe kumbona umunduyumo uyu ikuti abêne bãmbilíle Mbepo Mwikemo, kangi bikwânda ukwípâgúla bêne, mbubonekelo, kisita kuya nu Lwítíko, ukwendendeka, ukugela ukuya kindukimo iki abene bakaya, itolo kumbukilága, abêne bakâmbilíla u Ntwa Yeso.

⁹⁰ Polelo uswe tukwaga ukuti undugu yula itugesye mula. Kangi umwene ayaga pakwisa mu kapambo ka bându ba Kyâla, kangi ayaga pakunyukulila panja ikisige kyakukililo kya nnyâmbála aligwesa.

⁹¹ Ikyo kyo iki u ndugu akabalilo kosa ikugela ukubômba, ko kunyukula panja ifisige fyosa fibili, linga umwene abagíle, ukuti abandu batikuketaga iki abene bikubomba. Ikyo kyo iki Setano ikugela ukubomba umwisyugu ku Nkristi aligwesa, ukunyukula panja ukukêta kwâke kwamwambepo, ukuti umwene abagile ukukonga ulupilikisyo lwalinogona ulwa findu, kangi komma ulupilikisyo lwa Mbepo Mwikemo ukundongosya umwene.

⁹² Popâpo polelo akabalilo kâko abêne bãbômbíle ikyo, akabalilo kâko ukuponjólígwa ukukulumba kulinkwisa, polelo Sauli alinkukekania ingambako ingulumba ibili nukutuma isyene ku bandu bôsa. Kangi une nâlondeyága umwe mwaketesyaga apa, akabalilo kâko Sauli âtúmíle ifiyabo fya ngambako kwa Israeli yôsa, nukyoba, “Unko unnyâmbála aligwesa uyu atikukonga Samueli na Sauli, unko ingambako iyi, yiyege bo *iyi*.” Ngimba umwe mukukête mumo nubusyobi umwene âgelíle ukwiyimila mwene nu nnyâmbála gwa Kyâla? Mûmo—mûmo kyâyílíle ubusitakristi ikyene kyâli! Ukutila kwa bându kwâli panongwa ya Samueli. Lôli Sauli alinkubega bosa ukunkonga umwene panongwa yakuti abandu bantilaga Samueli. “Baleka abêne bisege ukukonga Samueli *na* Sauli.”

⁹³ Kangi tubalilo tulinga, umwisyúgu, ngima uswe tupilike ikyene! “Uswe twe Kipanga ikikulumba. Uswe twe Kipanga kya Kristi. Uswe twe Kipanga kya Kyâla. Uswe twe kya—kya *kyakuti-na-kyakuti*.” Ikyene kikapela abându ukuya nu lutende, nukwinogona ukuti kila naloliloli ko kûko Kyâla ikubômba. Kangi abêne batikulonda ubulôngósi bwa Mbepo Mwikemo. Abêne kinunupo bakonge abanyâmbála bo bala, panongwa yakuti abêne bîganíle ukwitugasya imyumi gyâbo igyapabene-pabene. Abene bîganíle ukwitika iki abene bikulonda ukwitika.

94 Ngimba mukukéta umwe? Mbepo Mwikemo yo Ndōngi gwítu. Kyála akatupamo uswe siku u pápa, pamo u bishopu, pamo aligwesa, ukuya Ndōngi. Mbepo Mwikemo, Mundu gwa Kyála, mbubumbe bwa Mbepo Mwikemo, yo Ndōngi gwítu kangi Ndōngósi gwítu. Lilino, nongwa ya fiki ikyo?

95 Ngulamba muswege ikyamatingo iki, ikiyobelo ikyamatingo ukukinda. Une ndikusanusya ikylene ukuya mbībi. Une nguyoba ikylene ukufuma ku lugáno.

96 Lōli Mbepo Mwikemo ikuyoba ikylene kyo kusóba kwa abakíkúlu bítu ukutumula inywili syābo. Kangi ikylene kyo kisobi kwa bakíkúlu bítu ukufwala utubundu utunini ni sulubali, kangi ukutendeka imilomo gyābo ni fisyo fyābo ni lāngi. Mbepo Mwikemo ikuyoba ikylene kyo kisobi.

97 Lōli uswe tukulōnda abanyāmbala ukutubula uswe ukuti ikylene kili kanunu mōsa, “Pene pápo uswe tukukōngesya une na Samuéli.” Abēne bīganile ukwitugasya ukukinda amasiku mahano na limo, mu njila yiliyōsa abēne bikulonda, nukubūka ku kipanga pa Ndungu kulubunju. Kangi unnunu ugwalinogono umfwikigwa gwa ku koleji na madigri mingi abagíle ukuyoba ku bene pa kabulumbilili kanini aka kisaku. . . isunga panini mu kēne, isi sikunyegegya imbulukutu syābo nukupela abēne ukuya basangalusígwe, ngati i filmu yimo pamo i mbatiko ya senema. Kangi ukuyoba akípúto kanini pamwanya pa bēne, nukubatuma abēne ku kāya nu luko lwa—lwa buponesígwe lwa kwiyíkutísya-gwimwene ukuti abēne babōmbíle ubwīpúti bwābo. Ubo bukaya bwígane bwa Mbepo Mwikemo.

98 Mbepo Mwikemo ikulōnda ugwe ukwitugasya mbunyakyala, ilisiku lililyosa mu ndungu, kangi ikilo kilikyosa, ukwipāgúla gwimwene ukufuma ku findu fya nkisu.

99 Lōli ikipanga kitikulonda ikyo umma. Abēne bikulonda u nnyāmbála yumo uyu abagíle—uyu abagíle ukusanusya i Bāngéli mu njila iyi abēne bikulondela ukupilika i Lyene. Abēne batisakupilika ku Lisyu lya Mbepo Mwikemo ikuyoba ukwisila mu li Bāngéli. Bingi ba abēne bikulonda ukuyoba, “Amasiku ga fiswigo gakindíle.” Ikyo kyo iki kikunyegegya abandu. Abene bikulonda ukuyoba, “Lukayápo nalumo ulosyo lwa Mbepo Mwikemo.” Abāndu batikulōnda ukubombela nukukinda kulikosa ukukinda iki ikisu kyōsa kikubōmbela. Abēne batikulōnda ukubūka pa lukindí nukusuka ifisyo fyābo, kangi—kangi abanyāmbála ni kisyo ikitenenefu, kangi komma ingāmba nkanwa kābo, kangi—kangi isogoto, kangi amapipi, kangi—kangi ifindu ifi abanyāmbála bikubōmba. Kangi abakíkúlu bikulonda inywili syābo situmuligwege naloliloli mbimba, kangi—kangi aka diresi akanini batwele, kangi isyakunāngisya ububumbe bwābo, kangi i findu ifi abēnebikulonda. Abēne—abēne bikulonda abanyāmbála aba bisakubabūlāga abēne, “Ikyo kyo kili kanunu mōsa.”

¹⁰⁰ Polelo, ikilo kimo, apa ālisile unnyāmbála yumo ukumbula une, ukuti panongwa yakuti une nālumbilile ukulwana na ifyo, ukuti ikipanga-kipāgūke kimo, na fihano fya fyene, fyātīle, “Uswe tukuntagāga u Nkundwe Branham nukuya nakyo nakimo ikingi ikyakubōmba nu mwene. Ugwe pamo kugakōlelāga amatepi gala ukugomokela, nukwilamba panongwa ya gēne, pamo uswe twisakukutāgāga ugwe.”

¹⁰¹ Une ndinkuti, “Une ngwimaga ni Lisyu lya Kyāla. Linga ikyene kikwegela kilikyosa iki kili mbumi bwāngu, une ngusyālāga ni Lisyu. Kangi une . . .”

Alinkuti, “Ena, linga ugwe utikukōlēla ukugomola i tepo *yakuti-na-yakuti?*”

¹⁰² Une ndinkuti, “Une ngalūmbililāmo siku kalikosa, mbūmi bwāngu, iki une ndinisoni nakyo. Une ndikugomolaga i tepo nayimoyene pamo ifyākwegelela. Une ngusyāla na iki u Mbepo Mwikemo ikuyoba. Ikyo une nguyapo nu būmi kangi ngufwapo.” Ndikugula ukuyoba isya nimwene lilino. Lōli une itolo ngugela ukubapa umwene ikyakukētēla ikya iki kyo kikubōmbigwa, ukuti umwe mubagile ukukéta nukupilikisya. Ikyene kyo bāndu bikulōnda ukulongosigwa na bāndu.

¹⁰³ Abēne bakālonḁaga Samuēli. Polelo abēne bo bakāli ukummonelēla Samuēli nyāfyāle. . . pamo Sauli, nnyāfyāle, nswaga une, Samuēli alinkwisa ku bēne kāngi. Kangi une nguyobaga itolo mu njobelo ngati umwene āngāli ayobīle ikyene umwisyugu. Umwe mubagile ukubala ikyene. Umwene alinkuti, “Ngimba kyo fiki kitamisyē Kyala ukuya Mwalafyale gwīnu?”

“Ena, uswe tutikumbona Kyala.”

¹⁰⁴ “Ena, une ne mwimilili Gwāke,” Samuēli alinkuyoba, “ngimba une mbabūlilēmo umwe akandu kamo akasōbi? Ngimba une nsolwilēmo kalikosa aka kakalisile ukuyako itolo mūmo une nāyobīle kikubombigwāga? Ngimba une ngababūla umwe i Lisyu lya Ntwa? Kangi une ngubalālūsūyāga umwe iki: Ngimba une nisilēmo kwa umwe nukubasūma umwe ihela yiliyosa? Ngimba une nēgilēmo kalikosa ukufuma kwa umwe? Ngimba une ndwelēmo kwa umwe kalikosa lōli kukutalula ISI SYO IKUTI U NTWA? Kangi Kyala asisimikisye ikyēne, akabalilo kalikōsa, ukuti ikyene kyāli Bwanalōli.” Kangi umwene ātūmīle umbelo gwa njasi ni fula (Umwe mumenye i Lisimbo, ugwe, palapala pala.) ukusisimikisya ukuti Samuēli āli kanwa ka Kyāla.

¹⁰⁵ Polelo Samuēli nubupelesye ālimilīle: Umwisyugu, u Mbepo Mwikemo— Mbepo Mwikemo yo kanwa ka Kyāla: ugu gukuyoba itolo katikati iki i Bāngēli likuyoba; ugu gukwitika itolo iki i Bāngēli liyobīle, kangi gutisakukīndāna ukufuma ku Lyēne, nakayabo kanini.

¹⁰⁶ Lōli abēne bālonḁaga umundu yumo uyu ābagile ukubabūla abēne ikikīndāne. Kangi a bāndu balinkutoligwa ukuyoba ukuti

ubusololi bwa Samuéli bukáli bupelelesye. Abène balinkwámúla kangí balinkuti, “Samuéli, fyosa ifi ugwe uyobile mu Ngamu ya Ntwa, u Ntwa atwele ikylene kukuboneka itolo mūmo ugwe gwāyobíle. Kakayapo nakasolo nakamokene. Ugwe ukisámo siku kwa uswe nukusúma i hela. Ugwe kwiswila gwimwene. Ugwe ukatulalusyámo siku uswe ukubōmba kalikosa akakulumba, akandu kapamwanya kuli ugwe. Ugwe usubíle mwa Kyála gwāko, kangí Umwene akuponisye ugwe ukufuma ku findu fyosa. Kangí amasyu gāko go gamwanaloli. Kilikyosa iki ugwe gwāyobíle mu Ngamu ya Ntwa kili bo itolo mūmo ugwe gwāyobíle. Lōli pópe uswe tukulonda u mwalafyále.”

¹⁰⁷ Ngimba umwe mubagile ukukéta ingilanio? Ngimba mubagile umwe—umwe ukukéta u—u bukomu bwa mōhési, bubāgíle ukubōmba pa mundu? Mbuyo bwa kwīyípa mwene nnyambala pamo mwene nkíkulu kwa Mbepo Mwikemo, nukupilika ku iki ISI SYO IKUTI U NTWA ali, ku būmi ubupelelesye, akayíla akasitakubwapuligwa, ku būmi ubukíndáne, abāndu abaswígísyé, ikikolo ikíkémo, abāndu ababombela-mbukindane; abène balinkwaga kinunupu ukufwanikisania ni kīsu, nukubōmbela bo ikīsu, nukubuka ku kipanga iki kikuyoba, “Ikyo kyo kili kanunu, bombelaga itolo bo lūlo kangí kindilila.”

¹⁰⁸ Ngimba umwe mubagíle ukukéta iki ikylene kili? Abène bikuyoba, “Kukayako ni kindu nakimo bo kubumbulusya. O, u losyo lwa Mbepo Mwikemo lwāli mayengo ga kipanga.” Mmasyu agangí, polelo Kyála ālyégíle abanyāmbála, ukwēga Mbepo Mwikemo ukufuma nkipanga, nukwitikisya ikipanga-kipāgúke ukukiyenga ikylene mōsa. Siku, siku. Kikayapo ikindu bo ikyo mma. Mbepo Mwikemo, i Lisyu lya Bwanaloli, āli gwakukulongolela ugwe mpaka Yeso ikwisa. Lōli iyo yo njila ikylene—ikylene kyābūkíle.

¹⁰⁹ Sauli alinkwisa mbulagili. Umwene nkulumba. . . Umwene alinkuya nu bukonge ubukulumba. O, umwene āli ni filwīlo ifimogí. Umwene āli na bīmbi. Umwene āli ni ngulu, kangí umwene āli ni ngwēbo. O, umwene alinkumulíka ukukinda ifīsu ifingi. Kangí umwene abatwēle abène mu demokalase iyi yāli nginde kalikōsa iki aligwesa āpilikemo.

¹¹⁰ Kangí ikyo kyo katikati iki ifipanga-fipāgúke fyītu ni fipanga fibōmbíle umwīsyúgu. Uswe tuli miyumba gya kipanga iminywamu ukukinda-gyosa nkīsu. Uswe tuli nabo abāndu abafwala-bumogi ukukínda-bōsa. Uswe tuli ni hela syābumanyi isyapamwanya ukukinda-syosa isi syābagíle ukutwālígwa.

¹¹¹ Bo yu banyāmba ba Sauli abamanyísígwé aba bābagíle ukwēga ingwēbo yila, kangí abène bābagíle ukuyendesya iyene nukuyifiga iyene mpaka ifīsu balinkubatíla abène. Abène bāli bāndu abamanyísígwé, na fyōsa. Lōli, ilisiku limo, pala

palinkwisa akabalilo ukuti pala alipo ugwamatati ikusoka panja. Kangi ikyene kilinkuyuganisa ababwite ba Israeli yosa mpaka abene balimile, bikutetema mfilato fyabo. Goliati alinkubapa abene ulukanikano, "Linga u Kyala gwinu yo uyu umwe mukuti Umwene ali! Umwe mwe bamanyisigwa mwe banunu ukukinda-bosa." Kangi umwene alinkubapa amatingo abene. Abene bakamenye ikyakubomba. Ifilwilo ifinunu, ifipuputigwe filinkusita kubomba. Ingwebo syabo silinkusita kubomba. Kyalipo ikindikimo iki abene bakapilikemo, siku, kyabonekaga pa buyo.

¹¹² Kangi nu lutilo losa kangi luyindiko lyabunyakyala, kangi ulwiwiso nu busisya, kangi u lugano nu bulilanisi bwa Kikristi, une nguyoba iki: Une nabalile, ilisiku limo, mu kalatasi ya ku Africa, kuko yula u mwanundumiana gwa Kish, ugwamatati gwitu gwa bulumbilili, akabalilo kako ugwaMohamadi alinkumpa matati umwene, Billy Graham. Alinkuti, "Linga u Kyala gwako yo Kyala, unko Umwene abumbuluse ababine mumo Umwene ayobile Umwene ikubombaga." Kangi u mwanundumiana gwa Kish, na bosa ababwite, balinkwikibisa bene nukusokamo nkisu kila, batobesigwe. Ikyene kyo kikosyasi. Kyala gwitu yo Kyala.

¹¹³ Uswe tuli ni fipanga fyitu ifinunu. Uswe tuli na balumbilili abanunu. Uswe tuli na bimi abahombigwa. Uswe tuli na bakwya abanunu ukukinda-bosa, inyumba indali ukukinda-syosa nkisu. Uswe tuli na banyambala abanunu ukukinda-bosa, simo mwa hela inyingi ukukinda. Uswe tuli na balinogono. Uswe tuli nu bufunda-kyala ukumalisya; uswe tubagile ukulumbilila ikyene; uswe tubagile ukukiyoba ikyene. Uswe tubagile ukusania nukutwala abandu nkati, nukutendeka maelifu-elifu ikyinja kilikyosa, abapinduke, nkipanga. [Ubuyo busitakandu pa tepi—Nsimbi.] Abimi bitu abahombigwa, abalumbilili bitu abalinogono, bakamanya ukwagana na matati bo ago. Abene bakamanya nakimo ikya ikyene. Abene bakamanya nakimo isya maka Gake aga bubumbuluso, isya losyo lwa Mbepo Mwikemo, isya maka aga gabagile ukusoyapo unsyungulu gwa mundu ikufwa na kansa, nukummwabu umwene kubwabuke. Abene bakamanya nakimo ikya ikyene. Abene bamanyisigwe mu ngunda gula, mumo Sauli ni kibugutila kyake ikitendekigwa-nu-mundu bali.

¹¹⁴ Loli unko une njobe kwa bandu ba Kyala, kangi kwa umwe bana, ukuti umwe mubagile ukumanya ukuti Kyala atikubalekamo umwe siku kisita u nketi.

¹¹⁵ Kisita kumanya, kwa Sauli, Sauli amenye nakimo isya ikyene. Loli Kyala ali nu nnini Davidi kunyuma kula kumbenu kwa kamba pabuyobumo, uyu akaswila ing'osi pa mindu gwakipangapanga. Umwene asilongosyaga isyene palubafu lwa misi amololo kangi mu ndeka indekete. Umwene ali gwakupakisa ing'osi sya gwise. Kangi linga ikindikimo

kyabopelaga ngamo, u ndugu, ukukóla yimo mwa ng'osi sya gwíse, umwene âménye amaka ga Kyála ukuponesya ing'osi yila.

¹¹⁶ Kyála akáli ali nayo u Davidi, pabuyobumo, uyu amenye iki ikylene kikusanusya ukuponesya yimo mwa ng'osi sya Kyála, ukwisila mu mâka ga Kyála. Umwene akáli amenye fyôsa isya ikyêne.

¹¹⁷ Umwene âsûbîle. Umwene akâménye nakimo isya filwîlo fya Sauli, kangi umwene akâlôndága nakimo kilikyosa isya ikylene. Umwene akâlôndaga nakimo kilikyosa ikya fipanga-fipâgúke fyâbo. Umwene akâlôndága ikilwîlo ikyaiyolo pa mwene. Umwene alinkuti, “Une ngamanya nakimo isya ikylene. Lôli une unko mbûke mmaka aga une mmenye.” Umwene âswîlîle ing'osi sya gwíse. Umwene âpakikísye imigunda. Umwene âsipéle isyene uluko ulununu ulwa kyâkulya, kangi isyêne syayaga nubûmi nukubâla.

¹¹⁸ “Umundu atisakuya nu bumi nu nkati gwene umma. Loli ni Lisyu lililyosa ili likufuma pa kanwa ka Kyála, mundu isakuyaga mumi.” U Ntimi ugwabwanaloli ikuswîla isyene. “Yeso Kristi yo yuyo mmayolo, umwisyugu, kangi bwilanabwila.” Kangi linga u ndugu ikukóla yimo, mbubine, umwene ikumanya amâka ga Kyála.

¹¹⁹ Kêta kwa nnini Davidi, âlîmîle pala. Alinkuti, “U miana yula yo ndwabwîte, ukufuma ku bupâpîgwe bwâke. Kangi ukufuma ku butubwa bwâke, umwene akâményemo nakimo loli ingwebo ni filwîlo. Umwene amanyisígwe kanunu. Umwene yo mfûnda-kyála. Kangi ugwe ukamanya nakimo ikya ikylene.”

¹²⁰ Umwene alinkuti, “Isyo syo syabwanaloli, nkulumba. Une ngamanya nakimo isya bumanyisígwa bwabufûnda-kyála bwake. Lôli kilipo ikindu kimokyene une nalôli mmenye, ukuti, akabalilo kâko u ndugu âlisîle nkati, ukwêga yimo mwa ng'osi sya tâta, Une nâbûkîle na mâka ga Kyála. Une nâlimponisye umwene. Une ndinkuntwala umwene kanunu ukugomokela ku bukafu ubununu kangi. Une ndinkuntwala umwene ukugomoka ku ndeka indekete iyankipepo kangi a mîsi amololo. Kangi u Kyála uyu âpéle i ngalamu mmaboko gângu, kangi une ndinkunkeka umwene akabalilo kâko umwene âlyêgîle yimo mwa—mwa ng'osi, kangi Umwene âlinyitikísye une ukugoga ikîndîngo, momûmo Kyála gwa ku Mwanja isakubukaga na une ukugóga uyu umFilisti unsitakubûtîgwa.”

Uswé tukulôndigwa ubulongosi bwa Mbepo Mwikemo. Une ngamanya amasiku gângu; nayumo aménye.

¹²¹ Ulubunju lumo une nâlambaléle pa kitala kyângu. Kangi une nâli. . . nâfumîle ntulo, kangi une nâgogîle injosi ukuti Joseph âli mbine, kangi une nâlimpimbîle umwene mmwanja ukummwîputîla umwene. Kangi akabalilo kâko une nâsumwîke, une nâsuluménie fiyo. Une ndinkuti, “Ena, lumo Joseph ikuyaga mbine.”

122 Kangi une ndinkukéta, ukubuka nkyeni mwa une, mu kansyungulu akanini, akatitu, tutigi aka lāngi lya bulauni. Kangi ikyene kyāboneka ngati ikyene kyāli une. Kangi une ndinkukētésya ikyene. Kangi ukwisa kunyuma kwa une āli Yumo mwelu, kangi ikyene āli Umwene. Une ndinkukéta kula ku nkasi gwāngu, ukukéta linga umwene āsumwike, ukuti une nābagile ukunnāngisya umwene, linga umwene ābagile ukuyibona imboniboni. Lōli umwene āli ntulo.

123 Une ndinkuti, “O, une nsuluménie, Ntwa. Lōli, ubo bo bwāli būmi bwāngu. Ugwe gwāfimbilisigwa ukunguta une ku kilikyosa iki une mbombile. Akabalilo kalikosa kilikyosa kyābonikága, une nīnogonága ikyene kyāli Ugwe ikubomba ikyene. Kangi une ngusyāgánia ikyene āli Sétáno ikugela ukunyumilisya une kubutali ni kyēne.” Une ndinkuti, “Linga Ugwe gwabagile itolo ukundongosya une.” Kangi bo une ngukéta, une ndinkukéta ikisyo ikimogi ukukonda-fyosa iki une ngetilémo siku pa nnyambala. Umwene āli nkyeni mwa une, ukukétéla kunyuma. Umwene alinkufyusya ikiboko Kyāke nukungola une, kangi alinkwanda ukwendela injila *iyi*. Imboniboni yilinkundeka une. Pandungu ugu gukundile kulubunju, une nāli, nāsumwike nubulābile. Kila kyāli pa Mpyagilo, imboniboni *iyi*. Pa . . .

124 Une akabalilo kosa nāpasyága, une akabalilo kosa ninogonaga isya kufwa. Ikyene, une ukuya malongo mahano, ikyene kyo, akabalilo kāngi kakaya. . . ngingonaga kāli katali fiyo mma. Kangi une nāswīgága iki une nguyaga mu mbili-gwa-bunyakyala gula, u mbili gwa kumwanya. “Ngimba ikyene kikuyaga ukuti une ngubabonaga abīnangu abapala kangi, tutigi, akafunienie akanini akēlu kikubuka ukukisania, nukuyoba, ‘Pala ikubūka Nkundwe Neville,’ pamo, umwene akābagile ukuyoba, ‘Mubombile, Nkundwe Branham?’ Kangi akabalilo kako Yeso ikwisa, polelo une nguyaga mundu kangi.” Une utubalilo twingi ninogonile ikyo.

125 Une nagogaga ukuti une nāli panja Kubwingilil’ilisuba. Kangi une ngwisa pāsi ukukindi ubuyo gwa myeyo, kangi unkasi gwāngu āli nanine, kangi uswe twafumile kukulōba iswi ya mbasa. Kangi une ndinkwima kangi—kangi ndinkwīgúla ikipata. Kangi imyanya yāli mimogi fiyo. Igyēne gitikuboneka mūmo igyēne gikubonekela kuno nkikōga kuno. Igyēne gyāli gyabluu, kangi amabingu amēlu amamogi. Kangi une ndinkuyoba kwa nkasi, une ndinkuti, “Uswe tubagile ukuya panja apa, akabalilo katali aka kakindile, lūki.” Umwene alinkuti, “Panongwa ya bāna, uswe twābagile ukuya, Billy.” Une ndinkuti, “Ikyo kyo. . .” Kangi une ndinkusumuka.

126 Une ndinkwinogona, “Une ngugogwa fiyo! Une nguswiga nongwa ya fiki.” Kangi une ndinkukéta pāsi, kangi umwene ālambaléle pa kifuki na une.

127 Kangi une nāfyusísye ikyakwigemekesya kyāngu, mūmo umwe mwe bāndu bīngi mubōmbīle ikyene, ukubīka untu gwāngu pa ki—ki kitapwa kyantu gwa kitala, nukubīka amaboko gāngu kunyuma kwa une. Kangi une nālambaléle pala bo ulu. Kangi une ndinkuti, “Ena, une nguswīga itolo iki ikyene kikuyaga, ulubafu ulungi. Une ngīndīle malongo mahano, kangi une ngabomba nakimo mpaka nalino. Linga une nābagīle itolo ukubōmba ikīndukimo ukuntula u Ntwa, namanga une mmenye une ndisakuya gwakufwa. Sinda gwa kabalilo kāngi akīndīle, pamo ukukinda sinda. Linga une ngwitūgāsya ukuya nkāngāle bo bāndu bangu, pópe sinda gwa kabalilo kāngi akīndīle.” Kangi une ndinkukelengania. Kangi une nālambaléle pala, nitendekisye ukusumuka. Akene kāli kifuki sala ya buhano-nabubili pa koloko. Une ndinkuti, “Une ngusūbīla une ngubūkāga ku kipanga, ulubunju ulu. Linga une amasyu gālīle, une ngulonda ukumpilika Nkundwe Neville ikulūmbīlīla.”

128 Popāpo une ndinkuti, “Ngimba ugwe usumwīke, lūki?” Kangi umwene āli ntulo kanunu fiyo.

129 Kangi une ndikulonda umwe mupondwe iki. Ikyene kisanwīsye u būmi bwāngu. Une ngabagīla ukuya yulayula Nkundwe Branham uyu une nāli.

130 Kangi une ndinkukēta. Kangi une ndikupilika i Kindukimo, kikūmilisya ukuyoba, “Ugwe gwe kwānda itolo. Gūtīla nkyeni u bwīte. Umilisyaga itolo ukuguta.”

131 Une ndinkuyugania untu gwāngu pa miniti. Une ndinkwinogona, “Ena, une lumo ngwinogona itolo bo ulu.” Umwe mumenye, u mundu abagīle ukuya nu kwīnogonela. Kangi une ndinkuti, “Une itolo lumo ninogonīle ikyo.”

Ikyene kilinkuti, “Gūta u bwīte. Umilisyaga ukubūka. Umilisyaga ukubūka.”

132 Une ndinkuti, “Lumo une njobīle ikyēne.” Kangi une ndinkubīka imilomo gyāngu mmino gāngu, nukubīka ikiboko kyāngu pa kanwa kāngu.

133 Kangi pala Ikyene kikwīsa kangi, kilinkuti, “Itolo umilisyaga ukugūta. Linga ugwe gwāmenye itolo iki kili kubumalikisyo bwa nsebwe!”

134 Kangi ikyene kyāfwanāga ngati une nābagīle ukumpilika Graham Snelling, pamo umundu yumo, uyu ālīmbīle ulwimbo lula bo ulu (Abene bikwimba ulwene apa, Anna Mae na bōsa ba umwe mwesa.):

Une nīsukīle kangi nsulumēnie, kangi
ngulōnda ukumbona Yeso,
Une ngulonda ukupilika amabangala
agakukiloboko amanyafu gala gikukuba;
Ikyene kibagīle ukwelusya injila yangu kangi
ukubalania ulutende lōsa;

Ntwa, unko une ngekēte ukukinda ikikingo
kya kabalilo.

Umwe mulupilike ulwene lwĩmbígwe apa pa kipanga.

¹³⁵ Kangi une ndinkupilika i Kindukimo kikuyoba, “Ngimba ugwe ubagile ukulōnda ukukēta itolo kumbenu kwa kikingo?”

Une ndinkuti, “Ikyene kibagile ukundula une fiyo.”

¹³⁶ Kangi une ndinkukēta. Nkabalilo itolo, une...ubutuyo bumobwēne une nālīsile nkati Nkabuyo akanini aka kāsendeméle. Une ndinkukēta kunyuma, kangi pala une nāli, ndambaléle pa kitala. Kangi une ndinkuti, “Iki kyo kindu kihesya.”

¹³⁷ Lilino, une ndikulonda umwe mwandisyége iki. Iki kyo pankyeni pa kipanga kyāngu, pamo ing’osi syangu isi une ngutima. Kali ikyene kyāli, une nāli mu mbili gwāngu pamo panja, kāli ukwene kwāli kusamisigwa, ukwene kukāli bo mboniboni yiliyosa une njilémō nayo siku. Une nābagile ukukēta Kula, kangi une nābagile ukukēta kuno.

¹³⁸ Kangi akabalilo kāko une nātikíle aka Buyo akanini, Une ngababonamo siku abandu fiyo bingi ukwisa bikubopa, bikukuta, “O, ukundwe gwĩtu umpala!”

¹³⁹ Kangi une ndinkukēta. Kangi abakíkúlu abakeke, lumu mu fyinja fyabo fya malongo mabili, pama kalongo na lwele ukubuka ku malongo mabili, abēne bāsopága ingōngi syābo ukusyungutila une, nukulata, “Unkundwe gwĩtu umpala!”

¹⁴⁰ Apa palinkwisa abanyambala abakeke, mu bumulike bwa bunyambala ubukeke. Kangi amaso gābo gikung’alalika nukuboneka bo ndondwa pa kilo pa ngīsi. Amino gābo ukuya mēlu bo ulwāambo. Kangi abēne bāywegága, kangi ukungamata une, nukuywega, “O, ukundwe gwĩtu umpala!”

¹⁴¹ Kangi une ndinkwĩma, kangi une ndinkukēta. Kangi une nāli nkeke. Une ndinkukēta kunyuma ku mbili gwāngu unkāngále gulambaléle kula, na maboko gāngu kunyuma ku ntu gwāngu. Kangi une ndinkuti, “Une ndikupilikisya iki.”

¹⁴² Kangi abakíkúlu abakeke aba ukusopa ingongi syābo ukusyungutila une. Lilino, une naloli ngusyāgānia iki kyo kilundilo ikifulugania, kangi une nguyoba iki nu bunyafu kangi nu bunoge bwa Mbepo. Abanyāmbala bakabagila ukubika ulukōngi lwāko ukusyungutila abakíkúlu kisita kwipilika kwabūndu; lōli ikyene kikāliko Kula. Kula kukāliko mmayolo pamo kilabo. Abēne bakākatalága. Abēne bāli... Une ngababonāmo siku abakíkúlu abamogi bo lula mbūmi bwāngu bōsa. Abēne bāli ni nywīli mpaka pāsi pa lukindi lwa nsana, amasiketi amatali mpaka ku malundi gāngu. Kangi abēne itolo bafugatilaga une. Ukwēne kukāli kufugatila nukuya kwa kalumbu gwāngu mwene mma, itugesye pala, abagile ukumfugatila une. Abene bakamfipaga une mma,

kangi une ngabafipaga abēne mma. Ikyene kya kindukimo iki une—une ngaya na—na lubâtíka-masyu, une ngaya nago amasyu ukuyoba. “Bupelelesye” akābagíle ukupalamasya ikyene. “Kyāpamwánya” akābagíle nukupalamasya ikyene mma, nakumo. Ikyene kyāli kindukimo iki une nasiku. . . Ugwe kufimbilisígwa ukuya itolo Kula.

143 Kangi une ndinkukēta injila *iyi*, kangi injila *yila*. Kangi abēne bīsága, mu maelifu. Kangi une ndinkuti, “Une ndikupilikikisya iki.” Une ndinkuti, “Ena, abēne. . .”

144 Kangi apa ikwisa Hope. Uyo yo āli nkasi gwāngu gwākwānda. Umwene alinkubopa, kangi akayobilémo siku, “Ndume gwāngu.” Umwene alinkuti, “Nkundwe gwāngu umpala,” kangi akabalilo kāko umwene alimfugatíle une, pala ālipo unkíkúlu uyungi imile pala, uyu alimfugatíle une, kangi polelo Hope alinkumfugatíla unkíkúlu uyu; kangi yumo aligwesa. Kangi une ndinkwinogona, “O, iki kibagíle ukuya kindukimo ikingi. Ikyene kikabagila. . . Ikyene kilipo ikindukimo. . .” Une ndinkwinogono, “O, ngimba une mbagíle ukulōndámo siku ukugomokela ku mfimba gwāngu unkāngále gula kangi?”

145 Une nāketíle ukusyungutíla pala. Une ndinkwinogona, “Ngimba iki kyo fiki?” Kangi une ndinkukēta, naloli kanunu. Kangi une—une ndinkuti, “Une—une ngabagile ukupilikisya iki.” Lōli Hope ābonekága ukuya bo, o, unhesya ugwaluyīndíko. Umwene akāli nkindane mma, lōli itolo bo nhesya gwaluyīndíko.

146 Kangi une nāpilíke i Lisyu pala ili lyāyobíle kwa une, ili lyāli nkyumba, lilinkuti, “Iki kyo iki ugwe gwālumbilíle āli Mbepo Mwikemo. Ulu lo Lugáno ulupelelesye. Kangi nakimo kibagíle ukwingwila Kuno kisita u Lwēne.”

147 Une ngwiyumíla fiyopo, ukukinda siku mbūmi bwāngu bosa, ukuti ikyene kikwēgēla u Lugáno ulupelelesye, ukwingíla Kula. Kakālíko nakabini nakamo. Kukālíko ukukatala. Bukālíko ubufwe. Ububine nasiku, nkati Mula. Ubwakufwa; bukābagíle—bukābagílemo siku ukukupela ugwe ukuya nkāngále. Kangi i. . . Abēne bakābagíle ukukúta. Ulwene lwāli itolo lusekelo lumolwene.

148 “O, nkundwe gwāngu umpala!” Kangi abēne balinkunyega une, nukumbíka une pamwanya pa buyo ubukulumba ubunywamu ubwapamwanya.

149 Une ndinkwīnogóna, “Une ngaya mu njosi. Une ngukēta ku nyuma ku gwāngu—gwāngu umbili gulāmbaléle pāsi pala pa kitala.”

150 Kangi kangi balinkunyíkásya une pamwanya pala. Kangi une ndinkuti, “O, une ndingítúgasyága pamwanya apa.”

¹⁵¹ Kangi apa bikwisa abakikúlu na banyāmbála, ukufuma kumbafu sibili syosa, itolo mbulenge bwābo ubwa butubwa, bikukōlela. Kangi unkikúlu yumo ālīmíle pala, kangi umwene alinkukōléla, “O, unkundwe gwāngu umpala! O, uswe twe tulibasangaluke fiyo ukukubona ugwe Kuno.”

Une ndinkuti, “Une ndikupilikisya iki.”

¹⁵² Kangi polelo i Lisyu lila ili lyāyobaga, ukufuma pamwanya pa une, lilinkuti, “Ugwe umenye, icyene kisimbígwe mu li Bāngéli ukuti abasolōli babunganisígwe na bāndu bābo.”

Kangi une ndinkuti, “Ena. Une ngukumbuka ikyo mMasimbo.”

Alinkuti, “Ena, iki kyo kabalilo kāko ugwe kwisakubūngána na bāndu bāko.”

Une ndinkuti, “Polelo abēne ba bwanaloliloli, kangi une mbagile ukwīpilika abēne.”

“O, ena.”

¹⁵³ Une ndinkuti, “Lōli, balipo maelifu-elifu. Bakayapo bīngi bo ulu a baBranham.”

¹⁵⁴ Kangi i Lisyu lila lilinkuti, “Abēne bakaya baBranham mma. Bala bo bapinduke bako. Abo bo bābo aba ugwe ulongosísye kwa Ntwa.” Kangi alinkuti, “Bāmo ba bakiku kula, aba ugwe kwīnogona ukuti abēne bamogi fiyo, bāli bakāngále ukukinda ifyinja malongo mahano-na-mana akabalilo kāko ugwe gwabalongosísye abēne kwa Ntwa. Yo nongwa iyi abēne bikulāta, ‘Unkundwe gwītu umpala!’”

¹⁵⁵ Kangi abēne balinkulāta, bosa palikimo, balinkuti, “Linga ugwe ukābukile, uswe āngáli tukaya Kuno.”

Une ndinkukelengania. Une ndinkwinogona, “Ena, une ndikupilikisya iki.”

Une ndinkuti, “O, u Yeso ali kugu? Une ngulonda ukumbona Umwene, fiyo fiyo.”

¹⁵⁶ Abēne balinkuti, “Lilino, Umwene yo itolo ali pamwanyapo panini, palapala pamwanya injila *yila*.” Balinkuti, “Ilisiku limo Umwene isakwisa kwa ugwe.” Muketile? Balinkuti, “Ugwe gwātumígwe ukuya ndongosi. Kangi Kyala isakwisa. Kangi akabalilo kāko Umwene ikubomba, Umwene isakulōnga ugwe ukufwana na iki ugwe gwāmanyísye abēne, tāsi, kali abēne bikwingilaga pamo mma. Uswe twisakwīngila nukufwana nu bumanyisi bwāko.”

¹⁵⁷ Une ndinkuti, “O, une nsekile fiyo. Ngimba Pauli, ngimba umwene ikufimbilisígwa ukwīma bo ulu? Ngimba Peteri ikufimbilisígwa ukwīma bo ulu?”

“Ena.”

¹⁵⁸ Une ndinkuti, “Polelo une nālumbilile i Lisyu lililyosa ili abēne bālumbilile. Une ngapāgwikémo siku ukufuma ku Lyēne,

ulubafu lumo ukubúka ulungi. Pápo abene bályōsísye mu Ngamu ya Yeso Kristi, une nábōmbíle nīne. Pápo abēne bāmanyísye u lōsyō lwa Mbepo Mwikemo, une nábombíle nīne. Kilikyosa abēne bāmanyísye, une nábōmbíle nīne.”

¹⁵⁹ Kangi abāndu bala balinkuywega, nukuyoba, “Uswe tumenye ikyo. Kangi uswe tumenye uswe tukubuka na ugwe, ilisiku limo, ukugomokela ku kīsu.” Alinkuti, “Yeso isakwisa, kangi ugwe kwisakulongigwa ukufwana ni Lisyu ili ugwe gwālumbi/íle kwa uswe. Kangi polelo linga ugwe gwitikisigwe akabalilo kala, iki ugwe kwisakwitikisigwa,” kangi balinkuti, “polelo ugwe kwisakutupa uswe kwa Umwene, ukuya fyabupi fyáko ifya butumígwa bwáko.” Balinkuti, “Ugwe kwisakutulungosya uswe ku Mwene, kangi, twesa palikimo, uswe twisakubúkága ukugomokela ku kīsu, ukwakwitugasya kwa bwilanabwila.”

Une ndinkuti, “Ngimba une ngufimbilisígwa ukugomokéla lilino?”

“Ena. Lōli umulisyaga ukugutila nkyeni.”

¹⁶⁰ Une ndinkukēta. Kangi une nábāgíle ukubabona abāndu, itolo na kubutali kúko une nābagile ukukēta, bakāli bikwisa, bikulōnda ukumfugatila une, bikuywega, “Unkundwe gwítu umpala!”

¹⁶¹ Itolo pala i Lisyu lilinkuti, “Fyōsa ifi ugwe gwafiganilémo siku, kangi fyōsa ifi fyākuganilémo siku, Kyāla akupéle ugwe Kuno.” Kangi une ndinkukēta. Kangi apa yikwisa imbwa yangu iyaiyolo, yikwisa yikwēnda yikusegeléla. Apa yikwisa ifalasi yāngu, nukulāmbalika untu gwāke pa kibega kyāngu, nukuywega. Alinkuti, “Fyōsa ifi ugwe gwafiganilémo siku, kangi fyosa ifi fyakuganilémo siku, Kyāla akupéle ifyene nkiboko kyāko, ukwísíla mbutumigwe bwáko.”

Kangi une ndinkwipilika nimwene ngwepuka ukufuma ku Buyo ubumogi bula.

¹⁶² Kangi une ndinkukelengania. Une ndinkuti, “Ngimba uli maso, lūki?” Umwene ākáli āli ntulo.

¹⁶³ Kangi une ndinkwīnogona, “O Kyāla! O, ndula une, O Kyāla. Nasiku ukundeka une ngulekelesyápo ni Lisyu limolyene. Unko une nītūgásye palapala ukutalula pa Lisyu lila, nukulūmbilíla i Lyene. Une ndikupasya iki kikwisa pamo kikubúka, iki aligwesa ikubōmba; balinga aba Sauli ba . . . banabalumiana ba Kish bikufyúka, balinga aba *iki, kila*, pamo *ikingi*. Unko une, Ntwa, ngutilége ku Buyo bula.” Ulutende losa ulwa bufwe . . .

¹⁶⁴ Une nguyo ba iki, ni Bāngéli lyāngu pankyeni pa une, ulubunju ulu. Une ndinagwe undumiana unnini pala, ifyinja fina mbukusi, ukuswílígwa. Une ndinagwe undindwana gwa fyinja lwele-na-kimo; kangi u ntubwa, aba une ngupālisya ukuya nabo,

aba basanwisye i njila ya Ntwa. Kyāla, unko une nje mūmi, ukuti mbaswīle mbutila Kyāla.

¹⁶⁵ Kangi pamwanya pa ikyo, ikīsu kyōsa ikyapāsi kikuboneka ukuywega kwa une, abafyinja malongo mahano-na-mana abakīkūlu na banyāmbāla, nu lūko lōsa, “Linga ugwe ukābūkīle, uswe āngāli tukaya Kuno.”

¹⁶⁶ Kangi, Kyāla, unko une ngutege u bwīte. Lōli linga ikyēne kikwīsa ku kufwa, une ngaya nsulumanie mma. Ikyenenkikuyaga lusekelo, ikyene kikuyaga bunoge, ukwingila, ukufuma ku bubole nu bukosityasoni.

¹⁶⁷ Linga une nabagīle ukutendeka, pamwanya pala, amamailosi mia yumo gwa mabiliyoni mmwanya, ubuyengi ubufwane-mosa, kangi ikyo kyo Lugāno ulupelelesye, ilikato lililyosa injila iyi, ikyene kikusōngōka, mpaka uswe tukufika pāsi kūko uswe tuliko lilino. Ikyene kikuyaga itolo gwēne unsyūngūlu gwa bubole, akandukakamo akanini kala aka uswe tubagīle ukwipilikisya nukwipalamasya ukuti kaliko akandukamo kubuyo bumo. Uswe tukamanya iki Ikyene kili.

¹⁶⁸ O, binangu bapala, baganīgwa bangu, bālugano bāngu mu Nongwainunu, bāna bāngu abapāpīgwe kwa Kyāla, pilikisya kwa une, ntimi gwīnu. Umwe, une ngunyonywa yālipo injila yimo une nābagīle ukulingania kwa umwe. Gakayapo amasyu; une ndinkutoligwa ukulyāga ilylene; ilylene litikwāgīga kulikōsa. Lōli itolo ukukinda ubutuyo bwabumalikisyo ubu, kyo kindu ikyālwmīko ukukinda-fyōsa ifi umwe siku . . . Yikayapo injila nayimo iyakulīngānia ikyene. Yikayapo injila. Une itolo ngutoligwa ukubomba ikyene. Lōli kali ugwe kubomba fiki, mwinangu, bika palubafu kilikyosa ikingi mpaka ugwe kulwaga u Lugāno ulupelelesye. Fika pa buyo ulu ugwe ubagīle ukungana aligwesa, undugu aligwesa, kilikyosa ikingi.

¹⁶⁹ Uलयato lula lumolwene Kula, kwa une, lumbelīle nnyāmbāla unkindane. Une ngabagīla siku, siku, siku ukuya yulayula Nkundwe Branham uyu une nāli. Kali ifipālo fikuseniyendeka, kali injasi sikumulika, kali untēndēli ali ni ndusu pa une, kilikyosa ikyene kili, ikyene kikaya ni mboombo. Une nguyaga pa kugūta ubwīte, ni lipyana lya Kyāla. Kabuno, une ndūmbilīle i Nongwainunu ku kipeligwa kilikyosa kangi ku mundu aligwesa uyu une mbagīle, ukubapepeka abēne ku Kisu ikimogi kila kula.

¹⁷⁰ Ikyene kibagīle ukuboneka kikafu. Ikyene kibagīle ukwega amaka mingi. Une ngamanya busyele ubutali buki. Uswe tukamanya, ukuyoba mbuketelo. I . . . Ukufuma mubugelo bwāngu ilisiku limo, umwene alinkuti, “Ugwe uli ni fyinja malongo-mabili-na-fihano ifya bumi ubukafu, ubununu. Ugwe uli nkafu.” Kila kyālindūlīle une. Lōli, o, kila kikāli ikyene mma. Kila kikāli ikyene mma. Ikyene kyo kindukimo nkati

muno. Ububole ubu bukufimbilisígwa ukufwala ubusitakubola. Ukufwa uku kukufimbilisígwa ukufwala ubusitakufwa.

¹⁷¹ Abanabalumiana ba Kish babagíle ukutupuka. Une... Fyôsa ifindu ifinunu abêne bikubômba, une ngaya nako akabîbi akâkuyôba ukulwana ni kyene, ukupa ku balondo kangu ku lugano. Kangu kumbukilaga, fiki, Samueli âlimbûlîle Sauli, “Ugwe nugwe kwisakusolola.” Kangu bîngi ba banyâmbála bala balûmbilîli bakulumba, bâmaka, babâgíle ukulûmbilîla i Lisyu bo bândûmi-bakulumba. Lôli pôpe ubwene bukâli bwígâne bwa Kyâla. Kyâla âyaga Mwalafyále gwâbo. Nkundwe, kalumbu, ugwe ndeke Mbepo Mwikemo akulongolele ugwe.

Unko uswe twinamisye imitu gyitu itolo pakabalilo.

Une ni syukile fiyo kangu nsulumenie, une
ngulonda ukumbona Yeso,
Une ngulonda ukupilika amabangala
agakukiloboko amanyafu gala gikukuba;
Ikyene kibagíle ukwelusya injila yangu kangu
ukubalania ulutende lôsa;
Ntwa, unko uswe tukêta ukukinda ikikingo
kya kabalilo.

Ntwa, unko une ngête ukukinda ikikingo kya
busumanie nu lutende,
Unko une ngeteko kubuyo ubwelo ubumulike;
Ikyene kikukasyaga ulwîtiko lwângu
nukubalania ulutende losa;
Ntwa, unko abêne bakete ukukinda ikikingo
kya kabalilo.

¹⁷² Une nsisimíkisye, Ntwa, linga akapanga akanini aka, ulubunju ulu, itolo kâbagíle ukukêta ukukinda ikikinga: nakamo akakukubilwa pakati pa bêne, pala pâbagíle ukuyamo siku; nabumo ububine; nakimo lôli ubupelelesye. Kangu Ukwene ko itolo ubutuyo bumobwene pakati pa apa na Kula, ukufuma ku bukângále ukubuka ku butubwa, ukufuma ku kabalilo ukubûka kwa Syepwa, ukufuma ku kupasya isya kilabo, kangu ubusulumanie bwa mmayolo, mpaka ku kabalilo ka mwisyugu ubwa Syepwa mu bupelelesye.

¹⁷³ Une ngusuma, Kyala, ukuti Ugwe kusayaga umundu aligwesa apa, linga balipo bala apa, Ntwa, aba batikukumanya Ugwe munjila ya Lugano. Kangu nubwanalôli, Tâta, nakimo kyâbagíle ukwingila u Buyo ubwikemo bula kisita luko lwa Lugano lula, u Kupâpigwa ukupya, ukuya mpâpigwa kangu. U Mbepo Mwikemo, Kyala, yo Lugano, kangu uswe tumenye ukuti ikyo kyo kyabwanaloli. Kisita kupasya linga uswe tukugúta ifyâmba nu lwîtiko lwîtu, linga uswe twâbombága ifindu ifikulumba, pôpe, kisita Lula kula, uswe tukabagilâmo siku ukufyuka ilifyukilo ilikulumba lila kula. Lôli na Lula, Ulwene

lwisakutupimbaga uswe ukukinda imbäsyö syankäsu isi. Une ngusuma, Tata, ukuti Ugwe kusayaga abandu apa.

¹⁷⁴ Kangi ngusuma, ukuti, u mundu aligwesa uyu ämbilike une, ulubunju ulu, ayöbége u Bwanalöli ubu, ukuti Ugwe uyége nketi gwängu, Ntwa, bo yu Samuéli gwaiyolo, “Ngimba une mbabülilémo abéne siku kalikosa mu Ngamu Yäko löli iki kyäli bwanaloli?” Abéne bo balongi. Kangi une ngubabüla abéne lilino, Ntwa, ukutu Ugwe unyegile une ku Kisu kila. Kangi Ugwe umenye ukuti ikyo kyo kyabwanalöli.

¹⁷⁵ Kangi lilino, Täta, linga balipo bamo aba bakakumanya Ugwe, isala iyi yili yäbunalikisyo iyi abéne bikuyoba, “Ntwa, bika nkati mwa une ubwígáne ukuya bwígáne Bwäko.” Tupaga ikyene, Täta.

¹⁷⁶ Kangi lilino, umwe, ni mitu gyitu ginamisigwe, mumo bamo mwa aba bäfyusisye ifiboko fyinu, kangi yoba, “Nyíputíla une, Nkundwe Branham, ubwigane bwa Kyäla nkati mwa une.”

¹⁷⁷ Lilino akabalilo káko umwe muli päpo umwe mulipo, itolo nubunoge ubwanalolili, nongwa ya fiki umwe mutikuyoba itolo kwa Täta, “Kyäla, nkati mu ndumbula yangu, umwisyuga, une ngutäga ifindu fyosa ifya nkisu. Une ngutäga kilikyosa, ukukugana Ugwe nukukubömbéla Ugwe, ubümi bwängu bösa. Kangi une ngwisa, ukufuma ilisiku ili, ukubuka nkyene, ngwisakukukongaga Ugwe, mu Lisimbo lililyosa lwa i Bängéli Lyäko?” Linga ugwe ukosigwa mma mpaka na lino mu losyo lwa Kikristi, “Une nguyaga, Ntwa.”

¹⁷⁸ “Linga une ngäli ngambilila Mbepo Mwikemo. . .” Ugwe kwisakumanya akabalilo káko ugwe gwälimmwambilile Umwene. Umwene isakukupaga ugwe—Umwene isakukupaga ugwe ubusisimikisye nu Lugáno ulu ugwe kulondigwa. O, ugwe gwäbagile ukuti gwabömbile ukukindana, gwäli nifyäkwpilikisya, ukuya lumo ugwe gwaywegile pamo ukuyoba mu ndimi, iki kyo kinunu. Löli linga u Lugáno Lwakyala lula lukayamo mula, nyitika une lilino, yoba, “Ntwa, bika nkati mu ndumbula yängu, kangi mu moyo gwängu, ukufikila kwa Mbepo Gwäko, ukuti une mbagile ukugana, nukuyindika, nukuya nalo lula u Lugáno Lwäkyäla mu ndumbula yängu, umwisyuga, ulu lwisakunyegelela une ku Kisu kila akabalilo káko umuyi gwabunalikisyo gukundeka une,” bo uswe tukwípúta. Umwe ipúta, mwibene, lilino. Mu njila yäko gwimwene, ugwe ipúta, nsuma Kyäla ukukubömbelo ikyo ugwe.

¹⁷⁹ Une mbaganile umwe. Une mbaganile umwe. Umwe mwe bapala banyamba bämbuha, mwe mubömbile nubukafu nukuswila abäninu abanini! Umwe mwe bapelakisa, bämäma abaiyolo mwe mufyülile amasosi ukufuma mmfisige fyäbo! Unko une mbasisimikisye umwe iki, kalumbu, gwempala, ikyene kikaya kutali kula ukukilania ubutüyo ubungi kwísílya. Une ngusübíla ukuti Ikyene kyo naloliloli nkyumba iki. Ikyene kyo

itolo bupime bumo ubu uswe tukwītūgasyámo. Iki kyo itolo bubole ubu uswe tukwītūgasyámo lilino.

¹⁸⁰ “Lōli ubwīgáne mwa une, Ntwa, ubwīgáne Bwāko ukuya.” Umwe ĩpúta, bo uswe tukwīpúta palikimo.

¹⁸¹ Nukutíla, Ntwa, pa lwālo lwa Lisyu Lyāko na Mbepo Gwāko Mwikemo, uswe twe tusekíle fiyo ukuti uswe tumenye kūko u Bupāpígwe bwītu bukufumila. Uswe twe tusékíle fiyo ukuti uswe twā “pāpígwe komma panongwa ya bwīgáne bwa mūndu, pamo ubwīgáne bwa mbili, lōli u bwīgáne bwa Kyāla.”

¹⁸² Kangi uswe tukusuma, umwisyúgu, Tāta, ukuti aba bābo lilino bikusuma ilipyana lyakuhobokela, ukuti Mbepo Gwāko isakubōmbága imbombo, Ntwa. Yikayapo injila nayimo kuli une ukubōmba ikyēne; Une ne itolo nnyāmbála, u mwanundumiana uyungi gwa Kish. Lōli uswe tukulondígwa Ugwe, Mbepo Mwikemo.

¹⁸³ Kyāla, unko une njēge Samueli, umwene yūyo ikuyoba u Bwanaloli bwa Lisyu. Kangi Ugwe usisimikisye Ilyene, mpaka umwisyúgu, kangi une ngwitika ukuti Ugwe kwisakukīndililága, akabalilo kōsa une ngwitugasya gwābwānaloli kwa Ugwe.

¹⁸⁴ Bosa bali ambulilága u Būmi bwa Syepwa, Tāta. Ilisiku ili lilingasōkaga ngamo siku ukufuma ku bēne. Mu sala bo abēne bikwisa ukukileka i kīsu iki, iki kiliyaga, iki une njobile itolo ku bēne, kigukano ku bwanaloliloli. Kangi bo uswe tukwītūgásya apa, bākúfwa, umwisyúgu, ukukēta pa kiketela-kabalilo kyitu, ukwinogona isya fyākúlya, isya mbombo kilabo, isya mbāsyo nu busukulike bwa būmi, ifyene fitisakuyako akabalilo kala. Ifyene fisakusima fyosa. Kutisakuyako i mbāsyo nasimo; kangi u lusekelo lumulwene ulukulumba ulwa Syepwa. Bāpápo abēne u lūko lula ulwa Būmi, Tāta, aligwesa. Kangi ngusuma . . .

¹⁸⁵ Une ngukusuma Ugwe iki, Tāta, ukuti umundu aligwesa uyu ali apa ulubunju ulu, aba bāmbilíke une nguyoba imboniboni iyi, une ndi agānága na aligwesa gwa bēne ku lubafu ulungi; palema nalinga babagíle ukuyapo abanyāmbála apa aba babagíle ukukanikana na une, na bakīkúlu, bópe. Lōli, Tāta, ulingikitisya ngamo siku ikyo ukwīma mu njila yītu. Uswe tuli aganaga nabo ukukilania Kula, kangi abene bikubopa, bópe, kangi uswe tukukamandanaga yumo nunnine, bikulāta, “Unkundwe gwitu umpala.” Unko ikylene kiyége bo ikyēne kyanāngisígwe Kula, Ntwa, kwa aligwesa, fyosa ifi une mfiganile, kangi fyosa ifi finganile une. Une ngusuma ukuti ikylene kikuyaga mūmo, Ntwa. Kangi une mbaganile abēne bosa. Unko abēne baboneke, Tāta. Une ngubaninga abēne u Būmi bwa Syepwa lilino. Abēne bali bōmbága ikiyabo kyābo, ukubwītíkísyā Ubwene. Kabuno une ngusuma ikylene mu Ngamu ya Yeso. Ameni.

¹⁸⁶ Uswe tuli nato utubalilo tunandi, ukwiputula ababĩne. Une ngukēta tulinako akanini, akalindwana akabine apa, kangi unkĩkulu nkikōta.

¹⁸⁷ Lilino, ku bakundwe bāngu abapala-fiyō, abakalumbu, ngulamba mungayaga bākusitakumbilikisya une. Une—une ngamanya iki kyābonĩke. Une ngamanya iki kyābonĩke. Lōli, Kyāla, akabalilo kāko une ngufwa, unko une ngomokele Kula. Itolo unko une ngomokele ku Buyo bula, ko une ngulonda ukuya, kulikosa ukwene kwāli. Une ndikugela ukuya ne Pauli uyu ānyakilĩgwe mmwanya mu myanya gyābutatu. Une ndikuyoba ikyo umma. Une ngwitika ukuti Umwene itolo āgelāga ukungasya une, ukugela ukumba une akandukamo akanini ukungutula une nkyeni, mu butumĩgwe bwāngu ubupya ubu bukwise.

¹⁸⁸ Ngimba ikyene kikubonekaga kisitaluyĩndĩko linga une ngubala ikindukimo apa, itolo pa miniti? Ngimba ikyene kikuyaga kinunu? Yimo mwa fikalatasi ifyapankyeni nkĩsu, Billy Graham:

¹⁸⁹ “*Doctor Billy Graham Akōlelĩgwe Ku Islam*, pa lyani lya pankyeni lwa *Afrikaans Times*, Feburuari ilya kalongo na mahano, 1960. Unsimbi gwa kapango, uyu āli Musilamu, gwaMuhamadi, ikwinogona ukuti ifiswigo fibagĩle ukukonga ubulũmbilili bwa Nongwainunu ya Kristi, yulayula mmayolo, umwisyugu, kangi bwilanabwila. Uswe tukwandisya: ‘Ikyene kyo iki: Kristi āfingĩle abakongi Bāke, bo Umwene āyobĩle, “Umwene uyu ikwitika pa Une, imbombo isi Une ngubomba isakubombaga yope; kangi inywamupo ukukinda isi umwene isakubombaga.” Ngimba i Kipanga kibōmbilēmo siku imbombo, isi, i—i fyākubagilĩla ifya Kristi mu li Bāngēli? Ngimba kibagĩle Ikyene umwisyũgu? Ngimba kibagĩle kilikyo ikya kipānga ukukĩndanĩsya, ukubōmba nasĩnda gwa fiswigo ifi fyābōmbĩgwe na Kristi, komma ukuyoba, “imbōmbo ingulumbapo”? Ngimba ubagĩle ugwe, ukuya pagwĩmwēne, ukutāga, mwĩmilĩli gwa Bakristi, ukufyũka, ukusyũsya abafwe ku bũmi bwāmbĩli? Ngimba ugwe ubagĩle ukwenda pa nyanja? Ngimba ugwe ubagĩle ukubumbulusya ababine kangi ukupa ukukēta ku bafwamwaso? Ngimba kikaya iki, ukufwana ni ngulilo injobĩgwe pamwanya apa, yibĩkĩgwe panja kwa gwaMuhamadi? Pamo kibĩkĩgwe, pamo, ulugelo na Kristi...?...bakōngi mũmo ubuyobelo bwa bāmo, pamo mu bwĩtiko bwāko?’ Kinywamu kya kapango ka Musilamu uyu ko pawēlu buyobelo bumobwene ubupondwe ukufuma pa bungi.”

¹⁹⁰ Abēne bikummũgĩla u Nsilamu uyu, lōli umwene āli ntalusye. Lōli apa kyo iki abēne bafimbilisigwe ukuyōba:

¹⁹¹ “Ilyamulo ilununu ukukinda-gōsa ku liliku ukubala i Bāngēli, kangi ukumanya i Koran. I Koran yikukubilwa kila i...ni...yikukubilwa pakufwanikisya. Ukwitufya kwa

Kimuhamadi kyo kwāpamwányanya kangi kikuya pankyeni pa Kikristi, kyo kikemesigwe,” (k-i-s-i-t-a-l-u-s-a-n-u-s-y-o) “kisitalusanusyo,” (une ngisakikisya), “ukwinogonela. Unsĩmbi, lōli apalamāsĩsyē i fundo iyambombo ukufwana ni fiswĩgo ukuya fwa Kipanga. Lōli apa kangi uswe tukwĩlamwa ubwanaloli-ndumbula bwa nsĩmbi, namanga ywani ābagile ukusōsōla nukukanikana ifiswĩgo ifi fyābōmbĩgwe nu Rev. William Branham pankyeni pa Basilamu mu South Africa, akabalilo k̄ako amaelifu kalongo bālyāmbĩle Kristi ukuya Mpoki p̄asi pa butumigwe bwa William Branham, ku Durban, South Africa, na kubungi mōsa nkĩsu, pamo kwa T. L. Osborn ku Busokelolisuba bwa Africa? Ena pōpe uswe tukwima mia kwa mia na Billy Graham. Uswe twāyobile i fũndo ya lilālũsyō, yo ya nakimo. . . I fũndo iyi iya lilālũsyō yikaya nu mfunjo nagumo.”

¹⁹² Lōli pakati pa kayabo ka kalikosa ka akēne (Abēne bālingōlile une. . . bāyobile uswe twāli bũmĩlĩsi, uswe tukāmēnye iki uswe twābōmbāga.), abēne bāfimbilĩsĩgwe ukuya bakēti, nkikalatasi kyābo bēne, ukuti Kyāla naloli ābōmbĩle ikyēne, mulimosa. Kyāla yo itolo nu bwingi Kyāla, umwisyūgu, mũmo Umwene ayililēmo siku. Ugwe ubagile ukwinogona ukuti abēne batikwĩtĩka ikyēne, abēne batikukikēta ikyēne. Itolo kikayaga kifisĩgwe; ikyēne kitikubōmbĩgwa mu nguto. Kangi abamia ba maelifu ga bāndu bitugesye kula, bākētesĩsyē kila. Akabalilo k̄ako abēne balinkētĩle undemale, undumiana unkubilwe yula ikwisa pala, Mbepo Mwikemo ukumbula umwene isya bũmi bwāke, ni findu, na ifi fyābonĩke pa buyo nkati mula. Kangi ukukēta a Basilamu maelifu kalongo bikwilambike bene pa kipālo, ukulambalala, ukumwitikisya Yeso Kristi ukuya Mpoki gwābo-na-gwābo.

¹⁹³ Uswe tukāli tulinabo aba T. L. Osborn, na bosa bo abo, aba bakāli bikuswila i Fyākũlya fwang’osi. Une ngusakikisya Nkundwe Osborn akāli akafikako kula ku Basilamu. Abēne bikuti abene bo bakwitufya fiyo. Lōli uswe tukāli tuli na Kyāla uyu abagile ukuponesya i ng’osi ukufuma ku ngalamu, abagile ukuponesya i ng’osi ukufuma ku kindingo.

¹⁹⁴ Ikyene kyālimbōmbĩle une ubununu ukumanya ukuti abēne bāfimbilĩsĩgwe ukusĩmba ikyēne nukwitikisya ikyēne. Umma, abēne bikwinogona abēne batikubōmba; abēne bikusōkāpo nukusanusya inyuma syābo, kangi balinkuti, “Aa, amasiku gala gakĩndĩle.”

¹⁹⁵ Unsilamu alinkuti, “Ngimba agene gakĩndĩle? I Bāngēli lyosa kokuti likĩndĩle. Umwe mwesa musobile. Umwe mukwĩpũta u Mundu, u Mundu uyu āfwĩle, kangi i Ngamu Yāke āli Yeso. Kangi Umwene āfwile, ifyinja fingi ifi fikĩndĩle, kangi kikayapo ni kindu kimo ukuya Umwene ukuya āsyusĩgwe.”

¹⁹⁶ Lōli abēne bakābagile ukuyoba ikyo ku lukomano lwa ku Durban. Pala Umwene ālimĩle ikubombaga ikindu kilakila

iki Umwene ābombile, ikyene kyāsisimikísye ku bēne. Lilino fyóoe i—i fipanga-fipágúke fikufimbilisígwa ukugomokela, yu mundu yulayula uyu āsĩmbíle nukumbula une ikyo ukuti une ngufimbilisígwa ukugomola ubumanyisi bwāngu pa i Bāngéli, yo yūyo āfimbilisígwága ukusimba nkalatasi kyābo. Kyāla isakubatendekága ukuntufya Umwene, mulimosa, kokuti, pópe. Uko ko kutalusya. Umwene isakubatendeka abēne bantufye Umwene, mulimosa.

¹⁹⁷ Uswe tuli nu nnine, undindwana umbine itugesye apa. Uyo yo mwanako? Ngimba fyo fiki fitamisye, kalumbu? [U kalumbu ikuyoba, “Ikyene kyo bongo ukusulula ililopa.”—Nsimbi.] Māma? [“Bongo ukusulula ililopa.”] Bongo ukusulula ililopa. [“Une nākusĩmbíle ugwe, ifyinja fingi ifi fikĩndíle, isya bongo bwāke ukusulula ililopa.”] O, ena. [“Umwene ayíle mbine lilino, fikuyaga ifyinja fina mu Ogasti.”] Ifyinja fina, mu Ogasti. [“Nkundwe Neville isileko ukumbona umwene.”] O, ngimba ikyēne kyo ukufuma ku Marengo, pamo kubuyobumo pāsi kula? [“Paoli.”] Paoli. Ngimba uyu yo ndindwana, kokuti? Kilipo ikindu kimokyene, māma, kibagíle ukumpoka undindwana: uko ko, Kyāla ukummanya umwene. [“Umwene alikanunuko fiyopo ukukinda mūmo umwene āyílíle.”] Une nhobwike fiyo panongwa ya ikyo.

¹⁹⁸ Ngimba ugwe ubukileko ukummwĩpútila umwene, Nkundwe Neville? [Nkundwe Neville ikuyoba, “Ena, nkulumba.”—Nsimbi.] Ukufuma pāpo u Nkundwe Neville ābukiléko kula nukummwĩputíla umwene, umwene aliko kanunuko. Tukāli na batimi aba bamenye i Fyākúlya fyang’osi.

¹⁹⁹ Ngimba yo ndamyo nki yako, kalumbu mpala, gwĩtugésye nkikota pala, iyako? [U kalumba ikiyoba, “Umwene ali na kansa.”—Nsimbi.] Kansa.

²⁰⁰ Ena, linga une mbagíle itolo ukukulālúsya ugwe ikindikimo, lumo papapa apa. Balinga muno babumbulusígwe na... ukufuma ku kansa? Fyusya ifiboko fyĩnu. Kēta kuno, kalumbu. [“Umwene yo naloliloli gwamapuli, kangi umwene akabagila ukupilika iki ugwe kuyoba.”—Nsimbi.]

²⁰¹ Kyāla yo Mbumbulusi. Uswe tumenye ikyo. Linga une nābabúlíle umwe une nābagíle ukubuka pāsi pala nukwega ukusulula kwalilopa ukufuma pa ndindwana yula nukumpela umwene ayege kanunu, une mbabúlíle umwe ubusyobi, pamo, bagíle ukusōsyápo u kansa pa nkĩkúlu. Lōli une mmenye ikindu kimokyene, kyālipo ikindingo (u kansa, ilyulu, ubufwamaso, kangi bope ubufwe) kyākolíle ing’osi ya Kyāla yimo, ilisiku limo, kangi une nābúkíle panja na maka ga Kyāla, kangi une nālingōgíle umwene nukuyitwala ing’osi yila ukugomokesya. Uko ko kutalusya. Kangi uswe tubuka panja umwisyugu, komma na kalikosa akandukamo akakulumba, *gwakuti-na-gwakuti*.

Une ngubuka panja na kene itolo akanini akafyata ka lwípúto. Umwene isakuntwaga unkíkúlu yula ukungomokesyága.

202 Ugwe kwitika ikyo, bule ugwe, kalumbu? Ugwe kwitika, nugwe, bule ugwe, kalumbu? Balinga ba umwe mukwitika ni ndumbula yinu yosa lilino?

203 Lilino umwe mwĩname imitu gyinu bo une ngubuka kukwípúta.

204 Gwempala Tāta, ummogi u nkíkúlu unkeke alambalele apa, uyu akabagila ukwenda kangi mma, pamo ukufika ukusyungutila, pene pāpo Ugwe kuntula umwene. U ndugu ankolile umwene. Umwene akĩndile pa bufikeko bwa ngānga. U ndugu asenyendile umwene kubutali fiyo panja kwĩsilya mbusitakandu, mpaka u ngānga akābagile ukubōmba na kāndu. Lōli umwene akaya panja pa bufikilo Bwāko, Ntwa. Umwene ali palapala kũko Ugwe ubagile ukubika ikiboko Kyāko pa mwene. Pa lwālo lwa Lisyu lya Kyāla, une ngwāla amaboko gāngu pa nkíkúlu unkeke uyu, nukutāga ukusulula kwa lilopa lya bongo ubu. Mu Ngamu ya Yeso Kristi, nkōléla umwene ukugomokela ku nkíkúlu unkafulu kangi. Umwene isakwītūgasyāga ku lwīmiko lwa Kyāla. Umwene aliyaga kanunu, ukwingila nu kusōka ukufuma nkipanga iki, bo abangi aba bikwīngila, kifwene bo iki, ukupa ulutufyo kwa Kyāla. Mo kiyeye ikyēne, ukwisila mwa Yeso Kristi.

205 Bo ukubālula kwa nywili syāke, itolo ukongelelapo panini, kangi umwene isakuyaga mu Kĩsa kila kwĩsila kũko une nākētile nayumo unkāngāle kangi mma, lōli abakēke. Lōli abaganigwa bāke bitūgēsyē apa, bikukūta, kangi abēne bangānile umwene. U ndugu unkulumba uyu ankamāndile umwene asenyendile kubutali kubufikilo bwa ngānga, i ngalamu insisya iya kansa. Kyāla, une ngwīsa, kunyuma kumyāke. Une ngwīsa ukuntwala umwene ukugomokela. Une ngubūta i ngalamu ya kansa, mu Ngamu ya unsitakuponjologwa Kristi, kwa Yuyo une ne mwīmīlīli. Ikyene kili ndekaga umwene, kangi umwene aliyaga kanunu, kangi ukuya mūmi ifyinja fingi, tāsi, ku luyīndiko nu lwīmiko lwa Kyāla, ukwīsilā mwa Yeso Kristi u Ntwa gwītu.

206 Lilino, Tāta Gwakumwanya, ikyo itolo komma mu kifwālo ikikulumba, komma ingwebo imbyasye, ubuyobelo pamo amasyu ga unjobi yumo lōli na kapaliposa, akanini akafyāta ka lwītiko. Une ngwisa panongwa ya moyo ugu, kangi u mbili ugu gūgo undugu gwa kansa ankōlile umwene ukukinda ubufikilo bwa ngānga. Lōli une ngwisa panongwa ya mwene, ulubunju ulu, Ntwa, ukuntwala umwene ukugomokela ku ndeka ya nkipepo indekete kangi amīsi amende polepole. Mu Ngamu ya ugwakuponjola Yeso, kwa uyu une ne mwīmīlīli Gwāke. Nu lwītiko lusitakukatala, une ngwitika ukuti umwene ikutwaligwāga ukugomokela, na maka aga aga lwípúto ulu uswe tutēndike. Mo kiyeye ikyene . . . ? . . .

207 (Une ngusũbĩla buliko ububombelo bwa lõsyo. Buliko?) [Nkundwe Neville ikuyoba, “Ena, nkulumba. Abalumbilili babili bali na bĩniti ukosya tãsi.”—Nsimbi.]

208 Ngimba umwe mubagile ukufyusya imitu gyinu itolo pa kabalilo? U ntimi ambũlĩle itolo une . . .

209 Abandu aba fiyo, fiyo babine. Abene bikuyaga mosa kanunu. Itolo komma . . . Ikyene kili kanunu. Ulufingo lwa Kyãla lutikutoligwãmo siku. Uswe tukubuka ukufuma abẽne.

210 Abẽne bali nu mbombo ya lõsyo. Balipo abãndu bãmo aba babagile ukubũka. Uswe tukuyaga nu lukomano kangi ikilo iki.

211 Ngimba alipo yumo apa uyu akabagila ukwisa ikilo iki, ikulonda uswe ukupa u lwĩpũto kuli ugwe lilino, uyu akabagila ukwisa ikilo iki? Ngimba umwe mubagile ukwisa papapa apa polelo, umwe mukabagila ukwisa ikilo iki. Une nguyaga na kabalilo kingipo; ukutendeka ulukindi lwa lwĩpũto, ikilo iki. Abẽne bikufimbilisigwa ukõsya abandu aba.

212 Ugwe uli nu ndumiana unnini apo? Syosa silikanunu. [Nkundwe ikuyoba, “Umma ndaga linga une ngukupaga ugwe iki?”—Nsimbi.] Ena, nkundwe. Ndaga ugwe, fiyo. Ngimba ikyene kili kanunu linga une ngubala ikyene ukufuma pa kanandi pamo lululu ulu? Ndaga ugwe, nkulumba.

213 Lilino linga umwe itolo mukutupapo uswe itolo i miniti pamo mabili ukongelelapo, uswe polelo tubagile ukuya nu—nu bubombelo bwa—bwa lõsyo. Une mmenye umwe mukulondaga ukukẽtelẽla ulwene.

214 Kangi bala aba bikunyonywa ulõsyo ulubunju ulu, ena, umwe, bakĩkũlu buka ukukilania *apa* ukufwala imyenda gyãbo igingi, kangĩ abanyãmbãla bũka ukukilania pa lubafu ulu. Kangi polelo akabalilo kosa aka une ngwĩputĩla ababine, polelo umwene mubagile ukwitendekesyãga ku mbombo ya lõsyo. Kangi bala lilino aba . . .

215 Lilino, ikilo iki, une ngugelaga ukubomba a—akanini akakĩndi ka lwĩpũto, ikilo iki, palapala itolo, bo itolo abẽne bikwĩngila. Kangi uswe tukwandaga mwa Buku gwa 1 gwa Baefesi, ikilo iki. Kangi uswe tuli basangulufu fiyo lilino ukuya na umwe muno, linga umwe mukaya ni kipanga ikyakubũkãko. Lõli linga umwe muli nu ntimi gwĩnu gwamwĩbẽne, polelo umwe—umwe bukãga ku kipanga kyinu ikipala kũko umwe mukutula.

216 Linga umwe mukufimbilisigwa ukubũka, kangi mukusokãga akabalilo aka, Kyãla abasaye umwe. Yaga na uswe kangĩ akabalilo kãko umwe mubagile. Uswe twisakuyaga basangalufu ukuya na umwe.

217 Ngimba ugwe kulonda ukwĩputililĩgwa, nugwe, nkundwe? Ngimba lo fiki ulutamio lwãko? Ukutitikisya kwapamwanya kwa lilopa.

218 Lilino, mwe bangi ba umwe, bo umwe mukwinamisya imitu gyinu, i miniti, uswe tukulonda ukwípúta.

219 Tāta, une ngupalisya Ugwe, umwisyugu, panongwa ya kafyāta kanini akantimi, u lwípúto ulu lwātwele ingalamu ku fifundo fyāke, kangi akang’osi akanini kasenyendígwe kubutali ukufuma ku mwene, nukugomokesya kwa māma na bāba gwāke. Une ngusumila kwa nkundwe gwítu. Une ngusuma ukuti Ugwe kuntwalaga umwene nulupākisyo nkati, yópe, Ntwa. Ukutitikisya kwa lilopa ni ndamyó sya mbili gwāke sili imaga. Une ngubūka ukukōnga umwene, Ntwa, nkomolága umwene, nu Ngamu ya Yeso Kristi. Mo kiyílege ikyene. Ameni.

Kyala akusaye ugwe, nkundwe.

Ukubuka pāsi, une nguketa ugwe ukolelile undumiana unnini, umfwamaso.

220 Ikindu kimo ikyākongelelápo une ngulonda njobepo. Une nāli nakyo...mbīne fiyo, nātékága. Kangi une ndinkwinogona... Une ndikulonda umwe ukupondwa iki, linga umwe ubagile. Une ndinkwínogona, “Kyāla, ngimba une ngupaga fiki linga une mbagile ukupilika yumo ikwima panja? Unkasi gwāngu abāgile ukuyoba, ‘Billy, alipo u nnyāmbála unkāngále apa ísile ukwagana na ugwe.’

221 “Kangi apa ikwingila mula unnini, mwinitu gwakipāla ni ndefu isyāmbuha sikwéléla ukusyungutila ikisyo kyāke. Umwene abagile ukwingila mula, nukuti, ‘Ugwe gwe Nkundwe Branham?’

“Une nguyobaga, ‘Ena, nkulumba, une yone.’

222 “‘Ingamu yāngu yone Simoni.’ Ukubīka ikiboko kyāke pa une, nukungēta une i miniti. Ikuyoba, ‘Ugwe gwe mwitiki, Nkundwe Branham.’

“‘Ena.’

223 “‘Ikyene kikuyaga kyōsa kinunu.’ Simoni Peteri, ugwa mwi Bāngéli. Mūmo une ngupalisyāga ikyo! Umwene atikufimbilisígwa ukuyoba fingi. Itolo ukubīka ikiboko kyāke pa une, kikuyaga kyosa kinunu.”

224 Kangi polelo iki kikwisa kwa une, nu butuli bwa Kyala, kangi ni lipyana lya Kyala, balipo abakalongo ba maelifu ga bāndu bikwitka ikinfu kilakila, linga abēne mbagile ukwisa ku bēne. Kangi une ndinkwinogona, “Ntwa, unko une mfike kwa aligwesa une mbagile, polelo. Unko une itolo—itolu...”

225 Une ndinkwinogona, “Linga Simoni, pamo itolo Pauli, bamo ba abēne, ikwingila itolo nukuyoba, ‘Ugwe Nkundwe Branham?’

“‘Ena.’

226 “Ukubīka amaboko gābo pamwanya pa une, nukungēta une, nukuyoba, ‘Umma ndaga, Nkundwe Branham,’ itolo ukusōka panja.

227 “Une ngwisaga ukuya kanunu. Une nguyaga mosa kanunu. Nalōli. Une ndinkuti. . .Ndumiana, ubukifu bwāngu bukufyukaga mmwanya palapala pala. Une nguyobaga, ‘Une nguya pakuya mosa kanunu.’” Ena, nkulumba.

228 Kangi balipo abāndu bikwītika kila ikindu kilakila umwisyugu. Kangi ikyo kyo iki une ngwisa pasi apa ukubomba, bika amaboko pa ugwe, ukusuma aka Kyāla.

229 Une ngulonda ukubūka na uyu undumiana unnini, kalumbu, itolo i miniti. Umwene yo nnini, ndumiana umfwamaso. Ngimba bo butali bulebule umwene ayilile mfwamaso? [Ukalumbu ikuyoba, “Ukufuma mūmo apāpiligwe.”—Nsimbi.] Ukufuma mūmo apāpiligwe.

230 Ndaga, ndumiana nnini! O, ugwe gwe gwamaka nnunu, ndumiana nnini. . .? . . .

231 O gwaipyana Kyāla! Ukukīnda ubufikilo bwa ngānga, ku bupāpigwe bwa ndumiana unnini uyu, ukuya āpāpigwe mfwamaso, kangi umwene akabagīla ukukēta; u mmogī uyu, unnunu undumiana unnini. Kangi u ndugu, bo umwinitu unnini āli nu lusako mbūmi, alinsenyendīle umwene ukukīnda ubufikilo bwa ngānga. Popāpo, une ngwisa panja ukukōnga umwene, ulubunju ulu, Ntwa. Aka akapepe, akafyāta akanini aka lwipūto. Unko une nuntwāle umwene ukugomokesya, Kyāla. Une ngwagana nu ndugu, u mōhēsi, mu Ngamu ya Yeso Kristi, kangi une ngunnyakila undumiana uyu kwa Kyāla. Une ngunyaka ukukēta, kuli Kyāla, ukumpa umwene ukugomokesya ikyo iki Sētāno alimmwībīle umwene. Umwene alinakyo ikylene. Mu Ngamu ya Yeso Kristi, ikylene kisakuyaga. Lilino, momūmo ikylene.

232 Lilino, kalumbu, gwempala, lilino, komma ukuya na kapatu kanini ka kwīlāmwa ukuti u ndumiana unnini uyu ikuyaga kanunu mōsa. Kangi une ngulonda ugwe, ukuntwala umwene ukugomokela kuno ku kipanga, kangi banāngisya abāndu, umwene abagīle ukukēta, lilino, bule ugwe?

Mpāpo umwene ukukēta kwāke, mu Ngamu ya Yeso Kristi. . .? . . .

233 Ntwa Yeso, ukulambalika. . .Akanini aka kāko uswe tubīkile ulwingi fiyo! Lōli, ulubunju ulu, une ngwisa kangi mu Ngamu ya Yeso Kristi, mbimbile akafyāta akanini aka kāko Ugwe gwāli mbele. Kangi Ugwe undūlīle une na iki, Ntwa, mu Maka Gāko, ukwēga i. . .ukufuma ku ndomo gwa kansa, ukufuma ku kanwa ka bufwe kyēne, fyusya abafwe ukufuma bo abēne bafumwīsigwe ukuti bafwīle, nukulambala bakafu kangi batalale. Une ngwisa ukulondesya undugu, mu Ngamu ya Yeso Kristi. Popāpo ntwala umwene ukugomokela ku bukafu bununu kangi, Ntwa. Tupaga ikylene. Mo mūmo ikylene kibombigwēge, ku lwīmiko lwa Kyāla.

234 Kangi ugwe kulonda ukwĩputilígwa? [Ukalumbu ikuyoba nu Nkundwe Branhamo—Nsimbi.] Ugwe gwe mwitiki? [“Ena.”] Ntwa, une nguntwala umwene, mbufikilo wa kafyāta akanini aka. Mu Ngamu ya Yeso Kristi, ikyene kili ndekaga umwene nukusita kugomokelámo siku.

235 [Kalumbu ikuyoba nu Nkundwe Branham—Nsimbi.] Ena, ako kalakala akafyāta akanini, aka kábúkile nukwakummwaga u Nkundwe Harley, kangi panongwa ya mwanundindwana gwāko na gwimwene.

236 Lilino, Tāta Gwakumwanya, une ngwisa ukunkonga undugu, ukubōmbela akafyāta akanini aka kāko Ugwe umbele une, kabuno Ugwe gwātīle, “Linga ugwe kutwala abandu kukwitika, nukuya banaloli-ndumbula bo ugwe kwĩpūta,” akabwe akanini kala kisakubukaga ku buyo bwa kugogela. Ilyene lilibūkága lilino, Ntwa, bo une ngutuma ilyene ku busume bwāke. Mu Ngamu ya Yeso Kristi, ikyene kiliyaga lulo. Ameni.

237 [Kalumbu ikuyoba ni Nkundwe Branham—Nsimbi.] Umma ndaga, kalumbu. Lilino uswe tuli...Indepa sili pabukinde bufikilo bwa bagānga. Abēne babagile ukukupu ugwe akandukamo mu luko lwa kukukibisya ugwe, lōli ikyene kikuyaga kibibipo, ukufuma pala. Ena. Lilino kēta. Uswe tukukikonga ikyene, ulubunju ulu. Ukusōka panja; ukugomokesya ugwe. [Ubuyo bisitakandu pa tepo.]

238 Ntwa Yeso...[Ubuyo busitakandu pa tepo—Nsimbi.]... utubwe utunini tuhano, l-w-ĩ-t-i-k-o, kangi ifyāta ya lwĩpūto [Ilisyu lya Kingereza “lwitiko” lili na masimbo mahano—Nsanusi.] Kangi une nguntwala ukugomokesya u kalumbu gwāngu ukufuma ku fyikitikilo ifya mbungo ya ndepa...?... kwĩsílya. Une nguntwala umwene ukugomokela ku lutengano kangi indeka ya nkipepo indekete kangi amĩsu amenda polepole. Une ngubomba iki mu Ngamu ya Yeso Kristi. Ameni.

[Kalumbu ikuyoba ni Nkundwe Branham—Nsimbi.]

239 Tāta Kyāla, undindwana unnini uyu, uswe tuli basangulufu ukuti ikyene kikāli kwengeluka kwa unnyofu. Lōli kali ikyene kyo ki fiki, ikyene kikāli kili mbufikilo Bwāko, Ntwa. Kangi une ngwisa nu ndindwana uyu na fyāta innini iya lwĩtiko, kangi ulusangalabwe ulu. Kangi une ngubindikisya ulusangalabwe ulu na maka gosa ukuti une mbagile ukusōpa ilyene. Mu Ngamu ya Yeso Kristi, ilyene lilitika pa bungw’ale. U kalumbu gwāko aliyaga kanunu. Une ngubomba iki mu Ngamu ya Yeso Kristi.

[Kalumbu ikuyoba ni Nkundwe Branham—Nsimbi.]

240 Bo u māma unkeke uyu, kangi na kāna kāke akanini, akanini aka umwene ikulonda ukwagana kula kwĩsílya, ku lubafu ulungi, mu Kĩsu ikyālwĩmiko kila iki une njobilepo itolo, kangi abēne...U māma atisakwitugasyaga ku i...ukuswila u mwinitu unnini, kangi pamo akabagile u mwinitu unnini ukwitugasya akabalilo katali kisita butuli Bwāke. Lōli une

ngwisa ni fyāta, na maka gōsa gala nukutalula kūko une mbagile ukwēga ku ndugu. Kangi mu Ngamu ya Yeso Kristi, une ngufyatula iki ku mwene. Abēne bisakuyaga kanunu, ku lwīmiko lwa Kyāla. Mu Ngamu ya Yeso. Amen.

[Kalumbu ikuyoba ni Nkundwe Branham—Nsimbi.]

²⁴¹ O, ikyo kyo kinunu. Une nhobwike fiyo. Ena, ubutumigwe bula, polelo, bwāli butumigwe ubukulumba fiyo ubwakusosola abandu mosa. Ubwene bwasonolaga ku mbombo . . . ? . . .

²⁴² Tāta gwītu Gwakumwanya, Sētāno asenyīnde u māma unnini uyu ukukinda ubufikilo bwa bagānga kwīsīlya. Abēne babagīle itolo ukufyātula unkota panja injila yila, Ntwa, ugu gwisakunswanyulilāga umwene ukusyungutila, ukusyungutila, nubukafu ukutendeka umwene amanye kūko umwene aliko. Kangi polelo akabalilo kāko umwene ikwisa, umwene yo mbībipo. Lōli une ngwīsa ni fyāta iyi iya lwītiko, nu lusangalabwe, ukutalula nu lutalulo lwa kutalula, ukungw’ala pala pa kyakutusulila. Mu Ngamu ya Yeso Kristi, une ngwega ulutende ulu ukufuma ku mwene, ku lwīmiko lwa Kyala. Amen.

[Yumo ikuyoba nu Nkundwe Branham—Nsimbi.]

²⁴³ Gwempala Kyāla, Nkundwe George alambalele kwīsīlya, ikufwa, pakaya patali mma, une ngētīle iki u lwītiko lwābōmbīle ku mwene. Lilino umwene ali nu kuposa mu mbili, Ntwa. Uswe tukusyagania ukuti abēne babagīle ukumpa umwene unkota gumo ugwa korotisoni, ikindikimo iki kyābagīle mu luko lwa kukibīsa ububabe, lōli ikylene kitikwega ikindu iki ukusōsyapo mma. Popāpo uswe tukutalusya ulwīpūto ulu, mu Ngamu ya Yeso Kristi. Ukuposa kwa mu mbili kuli bukaga. Umwene ali būkāga ku kāya nukuya kanunu.

Ndaga ugwe, nkundwe.

²⁴⁴ Mubombile ugwe, gwempala? [U kalumbu ikuyoba na Nkundwe Branham—Nsimbi.] O, mwe! Ukufwa-i-mbulukutu. Ngimba ugwe ubagile ukupilika napanandi? Uu-huu. Itolo ukukinda pa mbili gwakufwa! Ugwe uli mwitiki mwa Ntwa Yeso? [“Ameni.”] Une nguketa unkikulu ummogi kwīsīlya Kula, limolyene lya masiku aga. Ugwe kwisakuyaga nkeke kangi kwabwīlanabwila. Une mmenye ugwe kulonda ukuya mūmi lilino ku lwīmiko Lwāke. Ukugomokēla ku . . .

²⁴⁵ [Kalumbu ikuyoba, “Umma, une nsuluménie panongwa ya mwanundumiana gwangu.”—Nsimbi.] Umwanundumiana gwāko. [“Uyu abūkīle ku fīnja ukukinda fibili.”] Ngimba ugwe utikumwaga umwene? [“Umwene ali mmaboko ga Kyāla.”] O, umwene—umwene atalilēpo? [“Uu-huu. Ukukinda nkikoga kya bufwe.”] O, ikyo. [“Kangi ubusulumanie bwāngu.”] Utikigwe nu busulumanie. Ena. [“Une ne busulumanie . . . Une ne ndikīgwe-nu-busulumanie. Kangi une ngwīpilika ngati, linga ubwene bo bwīgāne bwa Kyāla, une ngulonda ukuti Umwene anyēge une. Une ngaya nakimo lōli bu buhofu mwa Umwene.”]

²⁴⁶ Kalumba mpala, une ngulonda ugwe ufike pāpo ugwe kwipilika kanunu. Ngimba umwene āpilíke imboniboni, ulubunju ulu? [Ukalumbu uyungi ikuyoba, “Umwene abagíle ukupilika kanunu itolo.”—Nsimbi.] Ena, ugwe mbula umwene.

²⁴⁷ Ena, umwene ikukubūlága ugwe iki kyābonike. Itolo ukukinda ubutuyo bwāko apa, u ndumiana umpala yula ikukugūlila ugwe. Ugwe kwisakuyaga nkeke bo umwene. Lugáno, itolo ganaga i . . . [Ukalumbu ikuyoba, “Une ndikulōnda ukusyala. Une ngulonda ukubuka ku mwene, linga ubwene bo bwígáne bwa Kyāla.”—Nsimbi.]

²⁴⁸ Gwempala Tāta Gwakumwanya, ukubopa kwa būmi kubopígwe. Kakayapo akingi fiyo aka kasyele. Kangi u ndumiana gwāke umpala, itolo kwīsilya kwa kisōko, linga umwene ābagíle ukukēta kunyuma, umwene ābagíle ukuyoba, “Itolo amasiku manandi.” Umwene ikugūlila u bwāto, Ntwa, ubu bwisakumwēgága umwene ukukīnda ikifunienie, ku Kīsu ikyalwīmik’ko kila. Nsayaga naloli umwene, Tāta, nukukībīsyā i ndumbula yāke. Kangi kila kili yaga kukomana-kangi ukukulumba, itolo kwīsilya kwa kisōko.



60-0515M U Mwalafyále Umpĩkígwe
Kitembe Kya Branham
Jeffersonville, IN U.S.A.

KYANGONDE

©2022 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ukusasania isya kwegwelelakwegelela

Ukusoka isya kwegwelelakwegelela. Ubwabuke bosa bukanisigwe. Ilibuku ili libagile ukubindikisigwa mfikalatasi pa kompyuta ya kunyumba ukuti ufibombelege imbombo yuyugwe pamo ukubayabilako abangi, kisita kuhombigwa, fiyege fyombo fyakubombela imbombo pakusasania Inongwa inunu isya Yeso Kristi. Ilibuku ili likabagila ukuulisigwa, pamo ukubindigwa ukuti gayege mingimingi, pamo ukusanusigwa pa webusaiti, pamo ukubikigwa mmakina agakusungasunga, pamo ukusanusigwa mu ndimi isingi, pamo ukulibombela imbombo iyakusyagilamo ihela kisita kwitikisigwa mwakalata unsimbigwe ugwa Voice Of God Recordings®.

Linga kulonda upilike inyingi pamo ifyombo ifingi ifi filipo ulisimbilaga ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org